

明光宗实录

佚名

文硕阁

wenshuoge.com

目录

关于我们	3
序	5
进实录表	7
纂修凡例	9
大明光宗贞皇帝实录卷之一	12
明光宗贞皇帝实录卷之二	18
明光宗贞皇帝实录卷之三	27
大明光宗贞皇帝实录卷之四	36
明光宗贞皇帝实录卷之五	48
明光宗贞皇帝实录卷之六	54
大明光宗贞皇帝实录卷之七	63
大明光宗贞皇帝实录卷之八	71

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

序

据广本补

朕闻唐虞之迹纪于典谟文武之政布在方册所以昭垂百代启佑后人复乎尚矣我

二祖

列宗创守同道著令史官簪笔丹陛一言一动大书特书暨乎因革钜典臣下章奏莫不综而载之以备一朝之史今所藏实录

圣德神功大较可睹已维我皇考光宗贞皇帝聪明天纵岐嶷夙成出阁蚤近乎师儒讲读不废乎寒暑青宫养德为日弥深闾阎之疾苦既所周知边塞之艰危靡不洞悉

神皇厌代宝位初登凡前此未沛之屯膏久郁之士气一皆遵奉遗诏焕发推行德音始播海内欣然相庆为不世出之

圣主也惟是天性笃孝哀怛摧伤万几丛于裁决三礼瘁于躬亲金滕无圭璧之祈灵药寡瞑眩之效才及匝月而

龙驭遽上昇矣朕痛音容之莫追念盛美之当述爰命儒臣分曹纂辑勒为实录卷凡有十起万历十年命哲之初讫泰昌元年鼎成之后其间事关国本情系宫闱长幼之谕蚤明豫建之期屡易乃

皇考处危疑而愈定遭震撼而不惊外庭有拥护羽翼之形渊衷无芥蒂将 之迹神化嘿运窥伺潜消及兹三旬之御宇永奠万禩之丕基虽日不暇给规模宏远矣至于凭几遗言实冀二三臣僚辅予为尧舜之主朕惟尧舜之道不外孝弟如我

皇考之事

神祖处天伦之际孝弟之道已通神明其他撤矿税发内帑起废臣释重系即如天好生何以加兹而且调燮备于股肱聪明广于耳目刳菟之言毕采章疏之答如流较之畴咨辟门稽众舍已允若合符然则为尧为舜道岂在于他求亦步亦趋事不烦夫远慕朕所为披阅终始弥切羔□火墙之思循省芳徽益增堂构之感者矣于戏帝典皇猷并垂著蔡文谟武烈敢后覲扬凡我孙子其尚鉴兹成宪永率循于无愆奉若河图期 绎于勿替庶

列圣之绪益光而国家灵长之运千万年未艾于

皇考之遗命亦克副哉谨序

天启三年六月十五日

进实录表

据广本补

后军都督府事少师兼太子太师英国公张维贤等诚惶诚恐稽首顿首上言伏以骏烈昭垂开万年之景祚鸿编纪述备一代之彝章维神化浹乎垓垓宜声光被于天壤永言懿铄未罄揄扬恭惟

光宗崇天契道英睿恭纯宪文景武渊仁懿孝贞皇帝德茂中和道兼述作元良震器占星晖海润之祥养正蒙功＜ 櫛心＞日就月将之学乃承华久于潜邸嗣践阼迨于中身遵末命之导扬时方在疚涣德音于恭嘿言出乃雍撤税使而辜榷无征发帑金而封椿有济补官联于旷列备股肱耳目之司劳将吏于岩疆重腹心爪牙之寄远近之弓旌四出东南之杼轴尽宽宫中府中釜鬯不隔一日二日章牋靡停虽临御仅浹三旬而德教已加四海盖惟升储遵养于生民国计洞艰难疾苦之情以故嗣服乘时凡行政用人尽鼓舞弛张之道粤稽昭代通溯前猷历

二祖

十宗以来袭重熙累洽之盛率渐摩于岁月乃渗漉乎寰区惟仁皇敷政以逾年暨

穆庙升猷于六禩未有乾纲甫握成不介之王孚泰运方新奏如驰之玄化历年少施泽多如我

皇考者也恭惟

皇帝陛下大孝尊亲重华协帝锡兹祉福宜继序之不忘率惟敕功肆丕基之并受谓可传必于可法当永世其有辞惟得寿乃在得名庶终天之无憾

皇纶申谕史局弘开乃命臣张惟贤为监修官臣叶向高臣韩爌臣何宗彦臣史继偕臣孙承宗臣朱国桢臣顾秉谦臣朱延禧为总裁官臣林尧俞臣郑以伟臣周如盘臣钱象坤为副总裁官臣周炳谟臣来宗道臣汪燁臣张鼐臣董其昌臣蔡毅中臣成基命臣李康先臣姜逢元臣罗喻义臣孟绍虞臣王祚远臣曾楚卿臣庄际昌臣张翀臣侯恪臣傅冠臣丁乾学为纂修官臣惟贤暨臣向高等仰体

宸衷恪循诏命发秘藏于内府搜职掌于诸曹自华渚虹流之辰迨鼎湖龙驭之日于凡起居言动政令批裁以至事涉宫闱计关宗社书宁详而毋略言必信而有徵务使乾旋坤转之功垂千秋而不泯直令帝辇王驰之略并

列圣以无穷恭成

光宗贞皇帝实录八卷宝训四卷缮写进呈臣惟贤等才乏三长愚慚一得极思扬摧形容未拟其神明勉效编摩义例祇遵夫

睿断幸睹获麟之纪用绍貽燕之谋伏愿扬烈覲光守成致治为尧为舜长思玉几之遗言乃武乃文永保金瓯之大业臣惟贤等无任瞻

天仰

圣激切屏营之至谨奉表随进以闻

天启三年七月十六日后军都督府掌府事少师兼太子太师英国公张惟贤等谨上表

纂修凡例

据广本补

一即位礼仪及赏赉之类备书

一追上

神宗显皇帝尊号祔庙称宗并上

孝端显皇后

孝靖皇太后谥号书议上

孝元皇后

孝和皇后尊号谥号虽不及举行而奉所敕谕皆书

一谕封贵妃选侍及停封缓封皆书

一谕册立

皇太子择日具仪悉书

一祀

天地

宗庙

社稷山川等神及遣官祭岳镇海渎帝王陵寝先师孔子皆书

一凡诏书悉录全文其敕谕廷臣边臣恤刑宽贷之类关系重大者亦录全文

一宣召文武大臣科道官谕问及用药皆书遗诏之辞备书

一简用阁臣召还旧辅特简东宫讲官同入阁皆书

一勋戚承袭及诖误复爵书

一授三公三少两京府部等衙门堂上官及翰林科道侍从官在外各省都布按三司行都司堂上官行太仆苑马寺卿盐运司使皆书其卿寺久缺不补考选改授科道等官久寝始下者特书

一遵遗诏起用抗疏国本及因事建言诖误黜谪诸臣书

一特谕加恩东宫讲官及恤录书

一因边事新设练兵督饷等官及更定住防地方书

一文官诰敕常例外有特赐者书

一凡田土税粮因事加派酌支本折分给兵工部一应军需备书其数其有减免及进解存积等项并书

一发内帑犒赏九边军士及充边饷分别多寡之数备书

一撤回榷税中使及蠲免 皇店堆盐地等租书

一内库岁办物料进贡等项有奉旨停减者书

一海运新开事宜及截留漕粮招商募船等事书其漕运有改折者书

一屯种开垦有事例新定者书

一盐场有新定中纳则例书及钱法有新令亦书

一遇荒旱设法赈济书

一朝仪有奉旨申饬者书

一议改元及修改历日年号书

一提督学政条例有更定者书

一开纳事例有新增者及停止皆书

一颁赐宗藩银币常赐外有特加并推及条例所未载者书

一丧葬之礼及上尊谥册文议文备书山陵迁祔礼仪有因时更定者书

一凡公侯驸马伯在京文武三品以上不拘见任致仕歿皆书卒及概见其行实善恶务合公论其有赠谥及赐祭葬前未赐后补给者书若文武官有治行显著及没于王事奉特旨优恤者不论职之大小皆书

一钦天监奏天象气候七政凌犯中外奏祥异皆书河清特书有进规颂及诗赋亦书一四夷来朝贡及宴赉皆书其有请给诰敕特赐者书

一处分北虏封贡事宜书

一京营戎政及各边战守事宜皆备书各处镇守防边阅视文武大臣有增设裁革者书

一边镇主客兵马之数及召募援辽土客兵所费资粮器仗车马等数悉书其处治逃亡兵将亦书

一边镇文武官有罪系狱者书常律外别有断罪条例亦书

一释禁锢罪宗及建言系狱者书审释囚犯亦书刑官有平反冤狱者本末书之

一风宪官及文武官僚弹劾大臣之罪皆书并书所得旨意其职非大臣而所犯重者亦书一发内帑营建宫殿书修理郊坛书

一钦定陵名书

一更定三王分封地方及营建府第皆书

一修缮各处城池屯堡及新建革者皆书

一内府工作织造采办皆书

一商匠签取放免及颁给料价书

大明光宗贞皇帝实录卷之一

光宗崇天契道英睿恭纯宪文景武渊仁懿孝贞皇帝讳神宗范天合道哲肃敦简光文章武安仁止孝显皇帝第一子也母曰孝靖皇太后王氏先是万历十年壬午太后以四月册封恭妃八月十一日 上诞生万历二十九年十月立为皇太子性孝谨宽仁非礼勿动每问安起居应对安节能得 神宗意神宗穆然深念固极垂爱护而

上益小心谨畏父子间慈孝浹洽虽宫闱近幸莫能窥也当 上生时神宗御皇极殿群臣称贺遣官祭告 郊庙 社稷诏告天下已加上两宫圣母徽号覃恩中外者再 圣母出宫储二十万金犒京边军有不足诏以太仆寺马价给之颁赐辅臣及讲官等银币已进秩各有差盖是时 神宗春秋鼎盛宫闱肃穆而元嗣诞生两宫岂怪故推崇显懿敷恩锡类薄海欣欣庆吾君有子焉寻谕内阁拟名内阁拟四字凡再进俱未称旨特敕定今名藏之礼部十四年丙戌正月 皇第三子生贵妃郑氏出也贵妃寻进封皇贵妃时主鬯未定而皇贵妃最爱幸廷臣不无私忧会辅臣申时行等请册立 神宗谕以元子婴弱少待再请再谕如前旨礼臣沈鲤有折衷典礼＜ 铨-金 ＞请加封恭妃得旨子显母贵待元子册立加封科臣姜应麟＜ 铨-金 ＞请首册恭妃次及贵妃明诏册立元嗣为东宫以定天下之本有旨谓其疑君卖直降极边杂职已吏部员外郎沈璟刑部主事孙如法连＜ 铨-金 ＞言之俱被谪科臣杨廷相等救奉旨立储以长幼为序 祖宗家法朕仰遵成宪俯察輿情岂肯以私意拂公论姜应麟等揣摩上意置朕于有过之地故特处示惩非

为奏请册立之故国本有归朕已明白晓示待期举行毋得妄疑渎扰又传谕内阁亦云然盖 神宗英明沉毅修纪叙伦以为天性至亲储宫大典权统一尊事宜独断至于宫闱伦序祖宗旧章 宸虑先定矣

○十五年丁亥正月申时行等请并举建储封王吉典 皇长子正位东宫 皇第三子宜分封大国 圣谕候旨行御史许守恩更申前封妃之说不报

○十八年庚寅正月朔日

神宗召见辅臣于毓德宫论奏良久乃共以册立豫教请将退有旨令宣长哥来与先生每一见时 上至 皇三子亦至 上侍立榻右神宗手携之辅臣仰视睿容称贺 神宗悦谕以此 祖宗德泽圣母恩庇所致辅臣再进谛视 神宗手引 上向明正立辅臣因再请早定大计 神宗颌之出再＜ 铨-金 ＞申请慰答不必烦扰以间天性礼部寻上＜ 铨-金 ＞请有如何纷纷奏扰意欲离间之旨

○十月两京九卿科道合词恳请而辅臣请之益力礼部尚书于慎行以催激夺俸三月谕内阁以 皇子长幼之序岂有摇动朕意必待朕自处不喜于聒激再凡谆谆数百言辅臣锡爵又上书申言凡称问者贵而使贱之亲而使＜ 铨-金 ＞之也今

上亲挈元子明示臣等以长幼之序臣等因劝册立以成 上之所欲贵又因请豫教以成 上之所欲亲何名为间也且建储一事前有 皇长子始生之明诏后有屡奉之明旨公有两部臣僚之合奏私有皇亲郑国泰之专请近有京城之流言远有海内之喁望重以九庙之神灵 两宫之属望 皇上岂可差举一念臣等亦岂敢苟顺一言词尤剴切 神宗谕朕以诚实待天下岂有溺爱偏执之理俟过十龄册立豫教当并举十月内阁共< 铨-金 >请册立有诏切责三辅臣各引疾辅臣王家屏独当直谓欲释众疑莫若大信之蚤全欲解摇乱莫若 圣志之蚤定疏凡再上 神宗遣内官传谕以明年春夏科道等衙门不来渎扰便于冬册立而又传各衙门造办钱粮俟后年春举行是时 圣意已定盖前诏所云自处者也而科臣胡汝宁以渎奏罚俸明年辛卯秋工部主事张有德以大礼仪物未备< 铨-金 >请有诏谓其邀功催激夺俸改册立期于次年会内阁臣合疏争之强有旨诘责时首辅时行以病在告密揭言故科臣罗大紘中书黄正宾遂连疏劾首辅皆削籍正宾仍下诏狱杖百时行去国亦寻去家屏乞与国同去不允

○又明年壬辰科臣李献可等以请豫教降罚列名者夺俸辅臣家屏封还御批疏救不报会申救者皆获谴家屏凡五疏争之盖念明主可以理夺引义决去事宜少济 神宗虽听家屏去而 圣心益动时以申救削籍者科臣钟羽正舒弘绪陈尚象张栋丁懋逊叶初春吴之佳杨其休李周策御史邹德泳钱一本而科臣孟养浩杖一百为民贾名儒降边方杂职

○又明年癸巳有 三皇子并封之旨时首辅王锡爵以 召至密揭建储事言前 皇上业有今春举行之旨及兹召期廷臣未有先发一言者故臣具< 铨-金 >手封以进已乘此时从中降谕决于春月举行使盛美尽归于独断 神宗复称引祖训立嫡条谓 中宫尚年少朕欲三皇子并封王而虚储位以待嫡即令辅臣拟谕锡爵拟二谕以进随< 铨-金 >言待嫡之说臣未之前闻安敢奉诏昔汉宋母后有养育庶子故事无已请令元子母中宫而正储位 神宗不许曰奈何以伪乱真遂下前拟而并封之争起光禄寺寺丞朱维京科臣王如坚戍边俄免戍光禄寺卿涂杰寺丞王学曾削籍部科诸臣皆言与历年 成命不合语侵锡爵辅臣请九卿会议及面陈可否不允而科臣史孟麟上所撰条议锡爵以三误自劾 神宗报曰卿自引咎置朕何地议乃寝是时争者则郎中于孔兼主事张纳陛顾允成陈泰来贾岩薛敷教乐元声若而人云

○十一月慈圣皇太后万寿节 神宗御门受贺特召辅臣王锡爵见于暖阁辅臣因恳请册立而言豫教最亟 神宗颌之其闰月朔谕礼部详拟豫教出阁仪来奏并谕册立一事久已断自朕心但以中宫方在壮年不妨待嫡少缓酌于来春先行出阁读书礼其皇三子少待次年另行长幼之序即此为定已复谕停寻又谕未行冠礼以常服出阁 命选用侍班讲读各官 命锡爵志皋位提调如仪自三日后每月以逢三日轮侍

○二十二年甲午二月 上出阁讲读告于 奉先殿朝谒 两宫 上之御讲筵也仪度熟闲举止凝重儒臣进说经旨潜心听受间有问答旁通大旨一日讲官焦竑仰叩以维

皇上帝降衷于下民若有恒性大义
上应声曰只天命之谓性是已讲官董其昌请问择可劳而劳之
上答曰此所谓不轻用民力也讲官惊喜叹服时 神宗深拱静摄
上习读经典皆有恒度 神宗嘉悦间与
诸皇子偕召防护有加焉而先是科臣张贞观以请备出讲仪仗降黎通炤以论救罢

○二十五年丁酉正月宗室山阴王俊柵以建储婚礼请翦发并＜ 铨-
金＞俱进二月科臣刘道亨请元子行冠礼俱不报而俄 诏暂免 皇长子讲学

○二十六年戊戌二月阁臣沈一贯等再以冠婚请奉 谕元子年龄虽长血气单薄恐伤耗
真元必须阴阳充实不致后悔二月府部科道诸臣各上＜ 铨-金＞诣
文华门恭进必得命乃退神宗遣内官谕
皇长子元气单薄少候时月之意阁臣一贯等再＜ 铨-金＞言之

○十一月谕内阁 皇长子迟缓冠婚念欲培养丰厚诚爱重之意今春夏屡召问察习字之
功见气质充实书仿对句进益朕甚嘉悦冠礼册立选婚俟 两宫落成举行寻谕礼部朕惟
册立分封东宫及诸亲王此乃祖宗训章大典嫡庶长幼一定自有次第因皇子禀质清弱况
皇后年在妙冲故不得已迟缓少俟耳非有别意危乱国家昨者 大行皇妣之服已满虽无
三殿其二宫不日落成皇长子龄已过期体已充足尔该部便具选婚旧仪来看其册立加冠
礼少俟二宫落成日行

○二十八年庚子三月诏议移 皇长子居于 慈庆宫再谕内阁以册立有期而恶刑部主
事谢廷赞之＜ 铨-金＞渎且曰使天下臣民晓然知出自朕心断不惑于奸小之口也会
是时天雨传谕凡遇雨 皇长子讲学暂免一日

○十月戚畹郑国泰＜ 铨-金＞欲先请冠婚次举册立科臣王士昌纠之礼部署部事侍
郎朱国祚以国泰颠倒其词与 明旨相背恐酿国家无穷之祸无何科臣王德完请笃厚
中宫之＜ 铨-金＞上 神宗震怒杖之百且传谕廷臣无渎救以致迟延册期

○二十九年辛丑二月上移居 慈庆宫是年辅臣沈一贯屡揭催请
谕以俟即择日举行九月十八日漏下二鼓
谕内阁传示礼部上册立冠婚仪注十月十五日册 上为皇太子并封诸王上
圣母徽号大赦天下先是择日已定而内监田义等以合用册宝冠服等钱粮未完仍
谕着改期辅臣一贯＜ 铨-金＞言若轻加议改必陷明主于有过之地万死不敢
神宗览＜ 铨-金＞良久
谕办具一不备者局监俱治之且曰如改日无奈纷纷者当复起也已又
谕权宜用册文宝文行礼待造完上
圣母徽号日御前补赐盖至是大典完诸谏诤之言行
神宗赐书存问旧辅时行锡爵家屏于家其后颇念家屏去国事恤典特从优厚

○十二月钦赐各王府礼物赏赐官军

○三十年壬寅正月以辅臣请增选 东宫侍班讲读等官如旧制

○二月册封郭氏为 皇太子妃锦衣卫指挥郭维城女礼成 神宗免升殿受贺命上受贺于文华门百官行四拜礼是月 神宗偶疾召辅臣一贯入谕以辅佐东宫为好皇帝有事还谏正讲学勤政并及罢矿税起废诸事一贯呼万岁出翌日圣躬万安诸事复寢

○四月以辅臣请 谕东宫照常讲学

○三十一年癸卯十一月有投匿名书于各署语多涉国本且及阁臣一贯赓以闻请严行逮捕奉旨谓其离间亲情蓄谋叵测必有主使之人同谋党类下厂卫城捕严缉以绝祸源阁臣请神宗面谕以安 东宫神宗即命拟谕以进又命拟一谕以戒飭本宫局郎等官居数日神宗躬谒 圣母宣 上见于启祥宫亲赐之又赐御书面谕一本盖 上纯诚孝友 神宗所知故授书之际至于垂涕其笃至如此先是楚宗奏楚王以他姓子冒藩封礼臣郭正域武昌人也素闻其说请行勘勘上事皆有迹于是物论纷然以楚藩为假王下廷议独户部尚书赵世卿总督仓场尚书谢杰谓王非假余皆如楚宗言正域请再勘 神宗意殊难之一贯亦从中阻格与正域相口语正域< 铨-金 > 侵一贯且言其受楚王金辅臣鲤颇右正域彼此之嫌生矣其后楚王复讦奏正域勒归听勘楚事竟寢楚王遣人奏谢因遗书谢诸贵人楚宗率众邀诸途备兵副使周应治鄞人也恐事露遣兵捕楚宗械而系之狱诸宗群诉于巡抚赵可怀可怀譙责之中有一人发愤突起以手械击可怀立毙传者遂以楚宗为谋叛捕治坐死斩绞者六七人禁高墙者数十人议者多以为过正域行至杨村属妖书事起诸献谀者遂言此正域所为一贯意动故揭言此书必出于臣下相倾之诡计特借国本为名而自请绝私为公以身讨贼必得真正主使之人殄灭之以洩 庙社之愤其言甚危 神宗览之仓惶故下令大索缇骑兵番四出逐捕而给事中钱梦皋遂露章攻正域且及鲤御史康丕扬等佐之随发卒围正域舟尽捕其仆隶佐书乳媪等下诏狱严刑考讯无所得所株连波及夺官削籍几毙杖下者甚众逻卒又围辅臣鲤第日夜侦伺长安中人皆重足屏息无敢偶语又行文天下搜捕骚然烦扰矣最后乃得皦生光业已款服然非一贯意故狱久不成礼部侍郎李廷机及赵世卿皆告辅臣□□羽□贝□谓即此可以具狱母他求语甚切至赓亦力劝一贯如廷机言得 旨廷鞫生光仍款服而刑部尚书萧大亨不欲坐生光再三诱令扳扯同谋主使之人生光抗言我自为之谁为主使廷机与御史沈裕汤兆京牛应元辈皆言生光宜坐大亨曰脱他日获有真犯谁当其辜廷机曰某请任之沈裕等亦曰某愿同坐大珰陈矩方主讞深然之拱手曰朝廷有人议遂定乃具奏 神宗亦心悟磔生光于市寢其狱事乃得角□羊梦皋等后挂察典复奉旨留用物论愈喧彼此纷拏缙绅之衅卒从此起焉

○三十三年乙巳十一月 皇太子第一子生即 今上选侍王氏出神宗以元孙生颁诏天下书谕宗藩

○三十四年丙午二月尊上 慈圣徽号

○是月进封 圣母恭妃为皇贵妃先是群臣屡请进封皆不允至是以宫闱喜庆大典告成特谕举行人情欢悦

○三月封 元孙母王氏为才人时礼部拟上封号不称神宗意传谕再议随出皇明典礼一书内载皇太子正妻皆封妃次皆称才人故礼部奉 旨定今封

○十二月二十八日皇太子第二子生与元孙同母命名由< 木学>四岁薨天启二年追封简怀王

○三十七年七月 皇太子第三子生命名由楫母选侍王氏八岁薨

○三十八年十月十六日 皇太子第四子生名由模母选侍李氏五岁薨

○十二月二十四日
皇太子第五子生命名由检天启二年封信王母选侍刘氏追封贞静贤妃

○四十年壬子 圣母皇贵妃有疾四月薨

○自三十六年后辅臣向高屡恳请福藩之国< 铨-金 >揭至数十上神宗意动至四十一年癸丑六月武弁王曰乾上书告奸人孔学等受人指使将不利于东宫又为魇魅术刻木为 圣母 皇上像钉其目语多涉翊坤宫及 福藩通政司大骇持< 铨-金 >就辅臣叶向高计辅臣请九卿与议多避不至乃语通政司具参< 铨-金 >与曰乾< 铨-金 >并上而密揭言此奸徒所为当静处之勿为所动动则焚扰神宗览曰乾< 铨-金 >震怒欲寝之不可欲下其章则震惊中外又 圣母病日久恐闻木人之说弥生疑虑彷徨莫知所处至掀翻御案左右皆辟易莫敢近忽自言如此大事阁臣何以无言近侍以阁揭进 览毕默然 天颜顿霁将揭< 铨-金 >挟藏之已向高复密奏曰乾< 铨-金 >当勿发恐疑似影响惊动宫闱事愈难处惟速定福王之国之期以释天下疑虑神宗深纳之寻以御史参曰乾他事诏下于理当是时人情震惧谓其祸倍于往年之妖书赖 圣虑深远辅臣镇定处危疑若无事而中外大安

○十月礼臣孙慎行以福藩就国之期请得 旨少俟俄传谕内阁以圣母稀龄在迕当留福王庆贺俟礼成之次年择吉之国向高具揭言圣母稀龄委当称贺目前寿节正届合于今冬豫行称贺仍即择定之国之吉庶庆典有光神宗意大忤是夜复传 旨言豫庆非是立待回奏向高封还 御札以去就争且言皇上以庆贺 圣母之虚名而行昵留爱子之私计天下谁不知之 上鉴其忠诚因命钦天监择吉期是时礼部侍郎孙慎行拟合廷臣叩阙力争得请乃已而兵部尚书王象乾赞其议

尤力之国期定 福王又必需庄田四万顷乃行下抚按官撙括无以应向高往复争辩乃减其半中遭圣母崩逝 王又欲留母行向高力争之吉期竟得无改盖 神宗燕翼貽谋能割爱以定大计而又转圜从谏故阁臣得矢其忠云

○四十三年五月乙卯有男子张差持赤梃突入 东宫殿檐下并伤门者瑄辈共执之 东宫奏闻下法司提问御史刘廷元＜ 铨-金 >言其迹涉风魔貌是黠猾刑官胡士相等缘此遂有风癫之说提牢主事王之采详加诘问乃言有马三道诱至庞刘二中官处与以枣木棍令至东宫逢人即打语多涉翊坤宫之采以闻科臣何士晋力言当穷其事太常少卿史孟麟亦有＜ 铨-金 > 神宗不得已召 上慰谕因率

上及皇长孙诸王孙诣慈庆宫 圣母几筵行告慰礼召见群臣于宫门外 神宗白衣冠立左檐前 上青袍侍于右 神宗诏群臣 皇太子国家根本朕岂有不爱 诸皇孙振振众多朕喜甚何外廷疑朕有他也时御史刘光复从班后抗声称 皇上东宫慈孝语不甚明 神宗责其恣肆震惊 几筵令缇骑捉出笞杖乱下 上亟止之得 旨下法司 神宗复谆谆理前谕命决张差庞保刘成等 上从旁请无株连以伤天和 神宗复命 上代谕群臣

上承旨谕尔等毋听流言为不忠之臣使本宫为不孝之子 神宗悦命阁臣速拟谕以进寻 诛张差于市毙庞刘二瑄内廷比狱上率从宽典方事初起中外闻者无不惊骇心知其故而难于言至风癫之说倡则议者谓其意有所为而王之采直发逆状刑部尚书张问达亦以为然形迹愈露顾必欲穷究其由来则所伤实多

神宗默念大臣中无足与计不得已而自行召谕其不下二瑄于理亦有深意又赖 上孝思婉笃曲为周旋法正而宫闱安其所全者大矣然使是时 福藩尚留邸中则事更难处而维时主风癫者遂齟齬王之采罢其官吏孟麟谪何士晋补外人甚不平焉

○四十四年丙辰八月上御文华殿东房讲读一日先是 东宫辍讲大小臣工恳请有年矣是岁五月辅臣更为请期补官二＜ 铨-金 >以奏奉 旨著于秋爽举行至是乃下侍班讲读等官又 命所讲经书照旧接续讲读然未几复辍至次年春再一举行初 上当命哲之日天佑 皇衷 诏诰恩赉业俨然荷震器之重厥后 天意未有所移而时情不无觭向正嫡之嫌既 生佩玦之疑滋起以仗义抗节之士吐防微杜渐之忠君曰有待臣曰何待而朝论纷纷矣逮 夫 储宫既定礼制大明而谗构内滋衅孽外作以 贰极之尊安涉隕渊之险危所藉 九庙护呵 神祖沉几宠藩既出喷议遂消 国祚奠于泰山天也然父子天性终始无间伦物之尽隆于 两朝仁孝之经垂于万＜ 丕 冀 >稽之前代罕有其比矣 神宗晚年揽权静摄 上久在东宫周知民间疾苦及奉 遗诏德音迅发既登阼锐意图政惟日不足中外忻忻更 始而又笃爱臣工不时召见如家人父子疾自夙婴兼误医药至今称为一月天子万年圣人 云

明光宗贞皇帝实录卷之一

明光宗贞皇帝实录卷之二

万历四十八年庚申七月丙子朔二十二日丁酉以 大行皇帝宾天告于 奉先殿

○令礼部会翰林院议大丧礼仪

○礼部进 大行皇帝丧礼仪注一二十二日发丧不鸣钟鼓二十三日大殓二十四日成服一在京文武官员自二十二日闻丧白布员领乌纱帽黑角带皂靴诣思善门外哭临退于本衙门宿歇不饮酒食肉二十四日二十五日二十六日各具斩缞服诣思善门外朝夕哭临七日各十五举声而止凡入朝在衙门视事用白布裹纱帽垂带素服腰经麻鞋退居即服孝服通二十七日而除一在京诸寺观各声钟三万杵一听选官办事官监生人材吏员僧道坊厢人等俱素服自次日晨赴顺天府朝阙哭临至二十四日各官具斩缞服监生人等素服朝夕哭临三日各十五举声而止仍素服通二十七日而除一在外诸王世子郡王及王妃郡主以下闻讣皆哭尽哀行五拜三叩头礼毕并易素服第四日服缞服二十七日而除一 遗诏到日在外文武官员人等素服乌纱帽黑角带行四拜礼跪听宣读讣举哀再行四拜礼毕各斩缞服于本衙门宿歇不饮酒食肉每日于本衙门望阙哭临三日各十五举声而止自是素服通二十七日而除一在外官员命妇闻丧素服举哀三日通二十七日而除军民男女素服一十三日而除 谕内阁等衙门大小臣工各尽心供职毋怠 谕报讣于宗室 谕兵部并敕护卫官兵戒严中外 发帑金一百万犒九边奉 遗旨也 先帝弥留时大臣问安且面请用人发帑诸事 圣体困倦未答而上时侍疾既退从容申启翌日传 遗旨发之且谕 父皇特念辽东九边文武将士劳苦悯恤至意三军闻之欢声雷动

○罢天下矿税令旨先年开矿抽税为三殿两宫未建帑藏空虚权宜采用近因辽东奴酋叛逆户部已加派地亩钱粮今将矿税尽行停止其通湾等处税监张烨马堂胡滨潘相丘乘云等都著撤回其见徵在官税银角□羊进自万历乙未大工鼎建武弁市猾辈以开矿奏而诸珰从中主之矿事遂兴榷税亦起遣珰四出而首事弁猾投为爪牙其奸利之徒夤缘差遣谓之奏带官所至骚动驿递暴苦平民间有内输而得不偿失至于设店徵税算及鸡豚税以万计官仅得其什一当 神宗晚年亦议停议减半以助经费矣而余虐未息至是遵 遗命悉蠲焉后又有各内使将见徵并拖欠等税银俱亲押解进之旨兵部尚书黄嘉善复请所角□羊进者应以本年七月前已徵者为定毋更以拖欠扰民 上从之于是关市山泽一切无艺之徵为之尽洗

○令旨谕内阁 父皇遗言尔母皇贵妃郑氏侍朕有年勤劳茂著进封皇后卿可传示礼部查例来行礼部左侍郎孙如游< 毓-金 >言臣详考累朝典故并无此例其以配而后者乃敌体之经其以妃而后者则从子之义历朝以来岂其无抱裊之爱而终引去席之嫌以礼之所不载也 先帝念皇贵妃之劳苦当不在无名之位号 殿下体 先帝之心亦不在非据之尊崇且 王皇贵妃诞育 殿下岂 先帝意所不留而恩尚有待即 郑皇贵妃而习于礼处非其据必非其心之所安夫善继善

述正须斟酌于义若义不可行则遵命非孝遵礼为孝臣若不顾义礼而曲徇意旨则又欺罔不忠臣不敢以不忠事主尤仰冀 殿下以大孝自居也< 毓-金 >入未报

○免命妇哭临并祭

○令各王府各衙门陆续进香者照旧例十日一类进赴思善门行礼允部请也

○直隶巡按易应昌< 毓-金 >言今日事势最亟者兵顾募之不必应应而复逃调之不必至至而复逃今天下之兵未可恃也且其亟莫如饷天下无一岁不旱涝亦无一地不旱涝淮南之三十万不苦于粮而苦于船山东之六十万苦于船而并苦于粮数千百之生灵试于风涛礁磧之中国固有灵人谁无恐今天下之食未足恃也 皇上所以有其民者有其心也乃兵之逃者噪者饥民矿贼之不靖者无日不见告矣犹曰有所激之也居中无事聚徒作奸以不测之祸心乘易讹之愚众白莲无为之教蚁聚蜂屯绿林亡命之雄鸱蹲虎视未敢深言不胜深虑今天下之民心未可恃也逃兵掠食其心既已在身命不在国家乐祸幸灾其心不惟不在国家并亦不在其身命占风望影其情何不可为天下事可忍言哉即以财用论积而不散既同朽蠹用之不经复类泥沙饷之边者成百成千不□三军之腹攫之市者一倍几倍半多九尾之囊至于今瓶罄罍耻共嗟巧妇之炊拯溺救焚总无终岁之局曰劝输曰开纳夫已存乎其人曰搯库曰巢仓何以继乎其后惟一鼓铸为自然之息莫应燃眉惟一兴屯为长便之谟犹同筑舍诸臣计出无奈则加派而已矣谓众轻似易而屡易则难谓事已即停而停于何日奉者非人之无状殷鉴不远良可深思臣故曰今天下无一可恃者此也然则如之何莫如广任仁贤则政事自理然功非运掌宜先民力之宽天不雨金孰应东方之急发帑之说极便极快臣请以辽左一年之饷求 皇上之自捐而以此外之调剂此后之支撑一信仁贤之共理民之见德必倍皇上之收功更倍臣奉命僭运所见天下情势实是如此仰恳 皇上留神省览< 毓-金 >上在先帝弥留时遂寝不报

○白气见夜四更候得白气如足练长三丈余穿过牛女虚危历轸至翼良久乃散

○戊戌颁 大行皇帝遗诏于午门诏内言 皇长孙宜及时 册立进学 瑞王 惠王 桂王各择善地令早就藩封内阁辅臣亟为简任卿贰大僚尽行推补两次考选拜散馆科道官俱令授职建言废弃及矿税诬误诸臣酌量起用一切榷税并新增织造烧造等项悉皆停止各衙门见监人犯俱送法司查审释放东师缺饷宜多发内帑以助军需上于旬月间皆次第举行焉

○改戎政兵部尚书黄克缵为刑部尚书仍太子太保户部仓场尚书张问达为都察院左都御史各< 毓-金 >辞不允

○升三边总督张鹤鸣为兵部左侍郎

○升湖广巡抚金都御史徐兆魁为左副都御史协理院事

○升太仆寺少卿苏茂相巡抚浙江太常寺少卿胡来朝巡抚大同徐可求巡抚四川俱都察院金都御史茂相可求提督军务来朝赞理军务初阁臣于神宗寝疾时面请简大僚下抚臣奏故得旨为速

○升湖广道御史房牡丽江西道御史唐世济俱大理寺寺丞时该寺堂上官缺久狱滞至是献决为清

○起升原任吏科都给事中李瑾为太常寺少卿户科给事中黄运泰为光禄寺少卿工科给事中毛一公为尚宝司司丞运泰一公皆万历二十四年以兵部推升宋世恩事谓言官不能论列革职先是吏部尚书周嘉谟有圣主原无成心乞恩录用山林诸臣＜ 铨-金 >奉旨下部酌量推用逮遗诏下以次推擢耆旧汇征充廷自此始

○升云南道御史俞海湖广左参政福建道御史杨州鹤山西右参政

○升礼部精膳司郎中杨作楫江西右参政

○升吏部文选司郎中陆卿荣为太常寺少卿

○改礼部主事夏嘉遇于南京祠祭司

○起升原任吏部文选司郎中王三善为太常寺少卿

○升河南道御史王象恒山西道御史冯嘉会俱太仆寺少卿命惠安伯张庆臻左军都督府掌管府事

○大学士方从哲恭候慰安于乾清门外召进从哲谢发帑谢发章＜ 铨-金 >因请简用阁臣奉谕具阁＜ 铨-金 >行之

○下御史巡按省直诸差刘廷元顺天张至发应天张铨辽东黄彦士河南舒荣都湖广郑宗周福建刘有源广西聂绍昌甘肃王槐秀山东而巡视两关则申廷撰巡视盐务则郭如楚长芦张浚河东张师孟两浙

○命御史万崇德督理辽东粮饷

○命户科给事中李若圭河南道御史顾慥并巡视京营起原任御史陈宗契巡视南京畿

○升原任山西副使郭尚友为山西按察使并陞道补原任广东按察司副使吴玄为河南副

使河北道

○辽东总兵官李怀信以病免

○以西安前卫署所镇抚魏汝孝量升指挥僉事守备宣府龙门城地方以武举加级济南卫中所镇抚孙嗣徽量升署指挥僉事守备宣府保安新城地方俱照例以都指挥体统行事从督臣崔景荣请也

○赠兵部右侍郎杨应聘为兵部尚书仍给与考满恩典荫嗣男杨京旭为国子监生

○己亥令旨再发帑银一百万两与户部充辽饷命别部不得分用并前犒赏二项共给脚价五千两毋骚扰驿递毋留滞太仓差官即发自辽边军兴饷匱民间亩税再加物力已竭寻开事例旋议掇括在廷计无所出日以内帑为请当 先帝不豫时已发广西进到助饷税银八万五千四百余两命监军道僉事牛维曜赴辽接济而令旨再赐百万盖 上养德青宫虑周庶政其干边军之疾苦驿置之扰害胥吏之那移留难罔弗洞悉故部臣称上忧民之心同符尧舜用兵之略有光汤武云

○延绥巡抚董国光上本镇防秋兵马数阖镇兵马除援辽入卫守墩等项外堪战有马官军家丁一万三千八百一十七员名内除驮炮运粮京塘报外有马堪战官军丁一万二千九百五十九员名沿边西自定边营起东至黄甫川堡止边长一千九十一里零一百六十六步

○申罪臣摭办禁先是原任辽东总兵候勘李如柏原任辽东河东总兵李如桢具疏办罪皆擅自投进不繇通政司通政使姚思仁参其踰越 祖宗旧例乞申敕会极门上是其议诏犯者听该司参治

○改礼部仪制司郎中须之彦为光禄寺寺丞仍支从五品俸留部管事前是之彦以二王婚礼告竣题升本秩值典礼殷繁奉旨留任是时具礼仪慎封典及请定建储日期之彦劳为多

○起升原任山西副使吕纯如为光禄寺少卿原任山东右参议王绍徽为通政司右参议

○吏部请补用考选散馆科道官奉 旨各官遵诏补用于是补庶吉士暴谦贞吏科韩继思刑科考选惠世扬工科俱给事中其考选候命三咨有久至八年者不旬日次第俱下言路始疏通矣

○授原拟礼部主事王继会为户科给事中原拟南京户部主事王安舜为湖广道御史原拟工部主事乔时敏为南京陕西道御史南京吏科给事中晏文辉以巡视两差未下请奉 令旨姜习孔等都着到任管事于是吏部题姜习孔欧阳调律陶崇道俱授南京给事中习孔吏科调律崇道俱户科

○升兵部武选司郎中潘澜为湖广右参政下湖南道车驾司郎中魏成忠为广东右参政琼州兵备原任湖广参议瞿汝说为江西右参议湖西道

○升户科都给事中官应震为太常寺少卿提督四夷馆

○南京工部尚书丁宾乞致仕尉留不允

○经略辽东熊廷弼以病求去且言臣一死无益于辽而废极重之军务朝廷亦何利于臣之一死因力求罢自阅科出关而议论生辽事益难为矣 先帝因遣科臣有十羊九牧之旨及弥留时又对辅臣言辽事破坏繇于文武不和其后失辽阳广宁人皆仰服神见

○庚子文武百官军民耆老人等奉笺劝进其词曰天祐君师受命叶河清之应运钟神圣绍休衍川至之符率土改观普大胥庆钦惟 大行皇帝智仁独纵文武兼资法祖纘 宗膺二百余载洪图治安有象显谟承烈抚四十八年夙历悠久无疆华夷莫不尊亲童叟共跻仁寿方持盈保泰拥神器以弥昌遽厌世倦勤攀鼎湖而莫逮眷兹付托端属元良敬惟 皇太子殿下恭敬温文聪明齐圣金追玉琢既培潜德于当年□
龙行可卜太平于今日顷奉 先皇末命俾承
列圣丕基舜日重华天禄永绥伊始尧文再焕人心倾注维新盖继体得人
宗社生灵有赖而吾 君有子讴歌讼狱成归虽在孺慕之时当以绍述为孝伏愿际天人之交与念历数之在躬莅中国以奠四方早慰臣民之望坐明堂而朝群辟远追功德之休乘六御天涣更新之大号奉三立极欢利见于文明臣等无任祈吁俟 命之至 皇太子令谕答曰览所进笺具见卿等忧国至意顾予哀痛方切继统之事岂忍遽闻所请不允

○是日礼部启天下文武进贺 圣节官员应许随班行礼从之

○户部尚书李汝华〈 铨-金 〉言辽左用兵仰屋日久计穷于事例力竭于加派曾经臣请乞犒赏户兵两部业凑三十万两解用而值内帑再发又出脚价转输臣议在辽东者应分犒分饷充饷若干犒赏若干行经略分别确数具奏外其一百万两并脚价系分发九边者查九边共一十三镇道有远近军有多寡事有缓急赏有差等须另为酌量就镇计兵就兵计饷计算详妥乃可差官领发会同抚按颁给有稽迟等毙臣部查明具奏已题员外郎李采主事杨国柱解银辽东又题司务郭长发郎中严九岳田一井员外郎田凤仪主事向胤贤解银九边奉 旨依拟仍着地方督抚多发兵将防护毋误

○辛丑文武百官军民人等再上劝进笺其词长君国之福大统定而天下始安元后民所依丕基纘而輿情允惬当八表效灵之日值 九重正位之时谨勒下忱再干圣听我 大行皇帝致治昭明成功巍焕袭二祖
八宗之景运鸿祉无虞渐九州四海以深仁燕贻有永爰念承祧之重特颁
顾命之词敬惟 皇太子殿下天纵聪明性生仁孝离照启前星之瑞帝王有真乾符当就日

之期臣民交戴乃 圣心冲抑宠俞未允于 宸衷致众志忧惶颺望益深于寰宇臣等窃惟恭默虽云思道而缙绍所以觐光矧一日万几天位岂容或旷而百官咸式神器不可久虚自昔周固本支实资明两以致汉启磐石必系元良惟往牒之昭垂宜鸿仪之肇举伏愿殿下早履洪图聿宣新政天下欢声雷动 朝廷德谕天敷乾坤转而四时成遵王有极圣人作而万物睹保世滋昌无任恳切俟 命之至 皇太子令谕答曰卿等为宗社至计言益淳切披览之余愈增哀痛岂忍遽即大位所请不允

○礼部题参二十三日光禄寺应备文武官共祭一坛时备办迟误合行罚治奉旨堂上官免究署官夺俸三月其管办内臣陈进着司礼监查究

○先是刑部以热审届期催请者屡矣顷乃得 令旨允行比再奉旨催问开释者众鼓舞于道

○广西巡抚陈邦瞻奏田州岑茂仁本叛猛罪孽肆虐属邑纳上林县土官黄德勋叛弟黄德隆叛子黄祚胤谋袭其城破之三凶同恶推刃德勋夺印信掳妻妾子女玉帛以去事闻抚道府问状而茂仁党庇二逆掎德勋为病死以祚胤为当继法应声罪致讨即四境土司亦思共伸义举第西粤惫极未可以师然隐忍不以时间且成尾大之势谨据实题参伏乞下部覆议 敕臣等随宜计议调度兵食以图善后事下兵部

○诏下房山县民陈槐于法司槐与王昇以争认皇亲事累经巡视衙门查审未服至是槐子陈象坤与其党拘执王昇巡视御史以闻乃奉 旨究问

○补给原任吏部尚书赵焕恤典焕历官有清望再秉铨衡值缙绅交争輿情未愜末年以来九卿伏阙请帑焕为首名见忤属满考当加官久寝不报郁郁而卒恤典亦停至是部臣以为言乃允

○壬寅文武百官军民人等三上笺劝进其词曰天人协应法舜禹之代终历数有归昭启诵之嗣服故大德必得其位惟至孝克缙厥猷若逊让之未遑将輿情其何愜敢烦渎请冀赐允俞敬惟 皇太子殿下荷 天眷命席世累仁 圣学懋乎缉熙睿质成于追琢凤姿温润蚤毓瑞于 青宫龙德正中宜承庥于紫极矧弥留之攸托惟缙绪之是期乃泰德初新已见兆心之共戴而 谦光下济犹然三让而不居窃惟继志非圣人不能即当宪天以出治谅阴古帝王代有贵在从礼而抑情虽哀慕未适诸怀而艰大必轸诸虑是宜告之 郊 庙光昭元子之成功于以示诸华夷丕著 新君之一统臣等用是瞻天恳请局地恐惶倘微忱之未通将叩阍而不已伏愿殿下慰群情而称明明后思遗训而宅丕丕基上贻 文考以无忧尽内外无不思服远迈大禹之有子凡血气莫不尊亲臣等无任恳悃激切俟命之至 皇太子令谕答曰皇考大行皇帝上宾予哀痛悲号五内摧裂而文武群臣军民耆老人等以祖宗基业之重 皇考遗命之严上笺劝进至再至三已悉忠恳天位至尊诚难久虚况

遗命在躬不敢固避勉从所请 皇太子令谕礼部曰
皇考大行皇帝上宾予哀痛悲号五内摧裂而军民耆老人等以 宗社基业之重
皇考遗命之严上笈劝进至再至三义正辞恳不得已勉从所请兹当祇告 天地 宗庙
社稷即皇帝位尔部择日具仪来闻

○差大理寺等衙门评事等官祖重烨等往省直地方开读诏书

○礼部题

登极大典近因朝会久虚礼部礼节未经闲习拟文武百官青素服于文华殿演礼三日报可

○诏革辽东镇江游击戴光裕任以按臣陈王庭劾其刻剥边兵也

○蓟辽总督文球奏保靖土兵逃至天津屡经委官招安不听道臣贾之凤以兵将来集未便拒堵第督令海防营官兵拒之河岸比有二百余人浮水且渡兵丁射回随差官渡河抚谕乃听招安擒其千总头目贾文魁下之狱其目兵一百四十名号泣求生乃渡之过河委官押领给之饮食以听处分其千总贾文魁解监军审究见在土兵及招回者俱令刻期起行以杜观望盖逃兵中有夷目为之鼓倡而千总等官又不能安慰各兵皆无知听人指使而贾文魁其祸始也大都驭兵与驭民不同驭兵于扰攘之时与驭兵于无事之时又不同各兵视辽如阱忍饥枵腹情实可怜臣以为令后土汉各兵取道都门者应给皇赏银五钱使欢呼而过辇毂之下此恩之当用者也近又见各兵走险如鹜几成故事及查屡次应招而来者仍掉臂而去今后应严拿首恶梟首藁竿其领过安家等银照数追偿庶逃者有戒心乎此威之当行者也得 旨下部

○工部监督节慎库主事华颜议严定钱价以通国用节慎库积钱既多用法不广又因工作不举方为铺□银钱半给之议而值 大行皇帝宾天市井遂以万历钱为叶物夫唐宋古钱尚且通用何况昭代之宝宜下令严禁贱买贱卖者仍行各省州县即使铸有新钱亦应兼用万历庶库贮数万钱本不致亏折于是万历旧钱与新钱并行

○虜王卜石兔以贡市至边而素囊未来总督崔景荣报曰款贡以来十二部夷俱听虜王之命自卜石兔袭封威令不行于素囊而素囊恃众抗衡卜酋卜未来也素欲先得市赏卜既来也素却故事迁延总以争家未定仇恨日深卜之防素甚严而素之窥卜亦密故踪迹参差近于相避顷据卜酋报贡夷人禀称传调忠素尚未回话乃侦探忠素之言却谓卜酋未曾传调查旧规每次贡市在我未有催贡之赏卜酋得赏已至素酋得赏未至中国之赏不可再加而狡夷之情总属叵测或卜酋久待不来而忿忿回巢如四十六年或素酋略示骄倨而徐来就市如四十七年皆不可知以至沿边穷夷失望无聊虽斗穴止右彼中而延林恐及我地目今分布兵马慎愆侦防保内地无虞贡之迟速可不论也已素囊卒不至

○癸卯钦天监择日皇太子八月初一日午时 即位

○礼部进即位仪注一先期司设监等衙门于文华后殿设御座文华殿设宝座一先期钦天监设定时鼓一先期尚宝司设宝案于文华殿鸿胪寺设诏案于殿内东设表案于丹陛上教坊司设中和韶乐设而不作锦衣卫设云盖云盘于殿内东别设云盘于承天门上设云舆于午门外鸿胪寺设宣读案于承天门上西南向一遣官以是日早祇告 天地 宗庙 社稷一是日早 上具孝服亲诣大行皇帝几筵祇告受 命毕乃具袞冕服行告 天地礼随赴 奉先殿谒告 祖宗毕仍具袞冕服诣 大行皇帝几筵前 孝懿皇后几筵各行五拜三叩头礼诣 温肃端静纯懿皇贵妃神主前行四拜礼毕诣 文华殿 即位一是日早鸣钟鼓锦衣卫设卤簿大驾 上服袞冕 御文华后殿文武官员各具朝服入丹墀内伺候鸿胪寺引执事官进至文华后殿将行礼之时照旧制传旨百官免宣表免贺只行五拜三叩头礼传毕方引执事官就次行礼赞各供事奏请升殿上由中门出升宝座锦衣卫鸣鞭鸿胪寺赞五拜三叩头礼訖百官出至承天门外俟翰林院官捧 诏授礼部官置 诏于案上云盘内从殿左门出至午门外礼部官捧 诏置云舆内迎至承天门上开读行礼如常仪

○甲辰 谕经略辽东兵部右侍郎熊廷弼并督抚巡按官曰近因奴酋猖獗犯顺陷我城堡没我军民特命尔运筹调度亟图战守拣选兵械相机征剿刻期剪灭见今天气炎热边方尤甚暴露疆场劳苦忠勤兹沛恩施用彰抚慰赐尔银一百两纁丝四表里总督文球银一百两纁丝四表里巡抚周永春银六十两纁丝二表里巡按陈王庭银四十两纁丝一表里益摠谋猷之忠早奏荡平之绩其在地方总兵等官著该部开写来看特谕

○飭禁兵屯卫各门勇士营兵二千八百七十九员名护卫禁城四门四卫兵一千八百四十八名护卫皇城六门

○户部尚书李汝华启查九边共计一十三镇官兵八十六万七千九百六十四员名所宜分别给赏又查得通州团练山狭兵共五千六百二十九员名昌平团练河南兵共二千一百名天津除出关听辽东给赏外见在总兵王学书家丁三百名江北水兵金冠下一千一十三名江南水兵王表下一千二十三名永平山海等处召募防卫新兵七千名所当一体分给以上二项或有调出援辽应给安家者有逃遁病歿应为扣除者即以扣存余剩银两充作安家之用至于辽犒户兵二部所发银三十万两又近日先发帑金一百万两及今次分发三十万两共该银一百六十万两议六分充饷四分充赏以遵

诏旨东西缺饷及轸恤至意容臣移文经略遵奉施行奉 旨依拟辽东镇旧额官军八万二千三百七十七员名新调援官军约计一十八万共二十六万二千三百七十七员名除发银三十万次发银一百万外今发银三十万两分为月饷犒赏之用延绥镇官军五万五千三百一十员名银六万五千五百一十九两宁夏镇官军三万一千六百二十四员名银四万六千二百四十四两甘肃镇官军五万九千八十一员名银七万二千八百一十一两固原镇官军九万四千一百一十二员名银十万一千六百一十二两蓟镇官军四万一千七百一十七员名银四万一千二百一十七两密云镇官军三万一千二百三十二员名银三万二千六百三十一两永平镇官军二万五千六百九十员名银二万七千六百四十两昌平镇官军二万四千四十九员名银二万五千二百四十九两易州镇官军二万八千六百一十四员名银二万九千六百一十四两宣府

镇官军八万八千九百八十八员名银九万八千九百八十八两大同镇官军八万四千五百三十七员名银九万四千五百三十七两山西镇官军五万四千五百一十四员名银六万三千一百一十四两除各镇外又天津等处援辽并团练官军共一万七千六十四员名各该银一万七千二十四两通共一十三镇并团练官军共八十八万五千二十八员名总共该银一百万两

○乙巳募南京浙江兵至京师辽边告警兵部募兵之使四出初差部官继遣科道然皆营差便省覲而已而所过驿递骚动兼以京师游食妄效计画煽动缙绅某处有兵某所有将当事不察轻为建白部惮言路唯唯题覆游食之辈附会差遣金钱糜费索诈百端至于有司逢迎意指计无所出徒责里甲计户出丁而丁皆雇募他方不繇土著中途逃散仍责本籍句偿乃至市井无赖视为骗局壮丁金点孱弱代更究竟边塞无兵而内地徒滋纷扰先是协理戎政尚书黄克缙题遣营官募南直隶沙兵并抽南京营兵调浙江营兵共三千赴京训练又差官募义乌兵四千以二千补还南京浙江而以二千赴京操合之可得五千人户部以粮乏酌用三千至是南京营兵已先遣营官张茂勋领至而营官张超往募义乌兵除补还南营已足京操三千之数其安家行粮诸费总在协臣题留五万两数内支給南京署兵部事右副都御史陈道亨＜ 铨-金 >闻

○召还驸马都尉王昺复职其诖误监生人等行该衙门查复之昺先年以＜ 铨-金 >救刘光复原籍为民至是以大学士方从哲请乃复

○瑞王桂王惠王请给福府庄店遗地条税下户部

○命户科给事中杨涟署礼科印信

明光宗贞皇帝实录卷之二

明光宗贞皇帝实录卷之三

泰昌元年时盖万历四十八年也礼未踰年不改元而今称泰昌元年者何盖八月之诏既以明年为泰昌元年而九月之诏又以明年为天启元年于是廷臣议年号者不一今上下其议部臣侍郎孙如游请集众论论定上< 疏-

金>曰窃闻历数代更有一号大统世及父传子子传孙此万世之经也今先帝升遐之日犹在万历庚申之年而明岁改年之期即为天启辛酉之始万历之后天启继之则泰昌之号虚而无寄然神宗之统传之先皇而皇上之统实受之祗庙今日之纪年既缺异时之信史难徵继万历而开天启者属之谁乎科臣李若圭暴谦贞言今年七月以前宜仍万历之号八月初一日先帝登极以后应称泰昌之年臣等再参之阁部诸臣之议符合居多人心之同即典礼之正如唐顺宗永贞之号附于德宗贞元之后御史左光斗引证足为今日定例伏乞

敕下臣部通行天下一切章奏文移自今年八月朔至十二月终俱用泰昌元年既不亏神宗之全历亦无妨皇上之改元庶统系分明人心允惬今上是其议报曰先帝年号众论金同大典允惬深足慰朕孝思其依议行于是定以万历四十八年七月以后改号泰昌年

○八月丙午朔上即皇帝位是日早遣泰宁侯陈良弼恭顺侯吴汝胤等告天地

宗庙社稷上亲告大行皇帝几筵褙服行礼讫易袞冕服诣文华殿行告

天地礼诣奉先殿告列祖以下再诣大行皇帝孝端皇后

温肃端静皇贵妃各几筵行礼毕午时出御文华殿升宝座

命文武百官免贺免宣表止行五拜三叩头礼讫大赦天下诏曰维我

皇明运祚隆昌基图巩固煌煌大历圣圣相承

皇考大行皇帝奉天临民四十八载乾纲在握角□羊泽旁流渊穆端居而虑周海内化成久道而诚切日中方垂恭已之衣忽陟上宾之馭顾命神器畀予眇躬仰遵弥留凭几之言俯从臣庶累笺之请宗社大计弗获固辞兹于八月初一日丙午祗告天地宗庙

社稷即皇帝位永惟皇考启佑之深慈嗣服艱扬之匪易有怀兢惕若涉渊冰尚赖文武亲贤一心一德惟是邦家彝宪是训是行属兹履阼之初宜焕维新之号其以明年为泰昌元然大赦天下与民更始所有合行事宜开列于后一自万历四十八年八月初一日昧爽以前官吏军民人等有犯除十恶至死与诈传诏旨交结近侍通夷失机强盗人命及侵盗边海仓库漕运钱粮并贪酷枉法逆党左道煽惑人心为从营干钻刺指称诬骗潜住京师窥探为奸者俱不赦外其余已发觉未发觉已结证未结证罪无大小咸赦除之敢有以赦前事相告者以其罪罪之一建言废弃并矿税诬误诸臣已奉遗诏酌量起用其有事关国本抗言得罪降斥谪戍永锢没身者吏部作速查开职名分别奏请召用恤录一海内民穷财尽即旧额徵输尚苦繁重顷因东方未靖势不获已加派地亩以给军需言念民艰深怀轸恤今后各省直加派九厘地方准免带徵二分加派一年者免带徵一年加派二年者免带徵二年向后酌量事势缓急渐次议减事宁之日悉与蠲除一凡被灾地方一应夏税秋粮马草农桑人丁丝绢布疋绵花绒户口盐钞皇庄子粒屯田牧马新增草场子粒租银历日防夫水夫民壮弓兵机户芦课灶课富户及门摊□税鱼课枣株钞贯果品等项自三十五年起至四十一年止查系小

民拖欠者悉与蠲免其已徵在官及追完经角□羊员役侵克者照旧起角□羊作与加派之数盐井有课无井者著抚按官议豁先年征倭征播加派钱粮曾奉

诏书停免者各抚按官查明但不系题准改作京边正项著遵 前诏蠲免一近来有司急于京边考成遂缓王粮或有将王粮抵京边以凑考满致各处王府应得禄米缺少各该巡抚都御史宜督率所属上紧查催完纳如有缓比借抵者参来重治其郡王将军府子女有应请名请封选婚者本府即与保勘奏请承奉长史等官不许需索刀蹬以致稽迟一天下宗藩生齿日繁岁禄难继自本年以后各省抚按酌量原额限定若干除亲王外查其世代之亲疏位数之多寡通融支給不得滥加其名封结状仍责成该省布政司巡抚衙门类奏不得专凭五宗徒滋弊窦其开四民之业照依礼部条议通行一宗室犯罪发高墙者除叛逆及内乱强盗人命不宥外其越关赴京建言诤误及身故而遗下子孙妻妾无依者抚按衙门查明原犯情节开具奏请一两京五府掌印管事公侯伯都督总兵副总兵等官锦衣卫掌卫事并管南北镇抚司事指挥以上官六部等衙门四品以上官并学士及各总督提督巡抚等官先年俱著自陈去留取自上裁但近年人材壅滞班行寥落且五年军政考察在迩姑著用心供职其五品以下文职及在外两司方面先年俱会同考核但今大计非远俱著策励供职无得因循怠惰旷废职业各部院堂上及在外抚按官严加督率随事责成其有偷安废事者部院科道不时论劾以凭究治一朝廷用人惟求真才今后吏部用人毋拘资格凡有才能卓异即便破格擢用以示激励其养病致仕各官年力未衰素行表著曾经科道及抚按官荐举者该部亦量才查奏起用但不许市恩滥举违者治罪一察吏安民全藉举刺黜陟乃有劾到有司赃私人命概置不问止照原拟降调其揭荐署考字义微涉疑似輒拟劣转名实乖舛莫此为甚今后抚按官举劾及吏部升转优劣务求参综详确除露章贤能优叙贪酷提问外其余注拟俱照考核规例分为三等斟酌处分不致悬殊仍须著实遵行不得视为文具一各处织造绒褐纁丝纱罗綾 等项万历四十三年以前除造完起解外其未完者俱减去一半余作三年造完起解以宽民力其应天等府万历四年九年未完袍段查系远年一概停免广西岁织葛布一百疋为数不多未免扰民相应免造一各省直等处额解四司料银段价砖料生熟铁黄白麻砖匠糴麻苇夫苇课车价班匠柴夫木柴焦炭银山场地租河道退滩地亩籽粒铁冶民夫麋皮活鹿天鹅狐皮翎毛等项本折自万历三十五年起至四十一年止已徵在官者截数起角□羊不许隐匿拖欠在民者尽行蠲免一十库钱粮各省直徵解本色与赴京办纳者充积库内历年已久输者解者俱不堪用宜遣巡视官查其足用几年除本色不足者仍解外其余查自四十八年以前凡未解者俱暂停本色以宽民力其银解送该部充济边之用一各省直解官押进内库钱粮入京多投歇家揽头概陷局骗相聚日久先后那补侵费以致败露原解员役羈囚节年追比或有身死累及家属无裨积逋诏下之日若五年以上未完者姑准押发原籍歇家揽头行抚臣勘估家产抵完拖欠果系家产尽绝准与豁免止各依应得罪名究遣一近来民间穷困在外司道府州县等官须加意拊循其有多加大耗滥行罚赎勒借军民私派里甲甚而暗通暮夜卖法鬻狱者各该抚按官严行访拏禁革务在访确赃迹不时劾奏后来勘问衙门亦须按律治罪不得徇私姑息如抚按官纵容听两京科道官指名参治一抚按各差访拏人犯屡经禁止间复举行中多讐黠窝访乘机诬构不无冤滥今后务遵明禁入境受事即刊布奉旨不行访察谕所属以杜指吓果有豪猾病民有司不能治者被害诸人赴诉上官两造具备方与听理其各该衙门赃罚亦不得取盈岁额滥听告讐株连无辜违者以不职论一凡致仕闲住为民充军官员不系考察及犯死罪者不拘自陈被论吏部逐一查开奏请充

军者放回原籍为民为民者与冠带闲住闲住者与致仕中间如有才望过人年力尚壮曾经荐举者许一体酌量推用一内外文职官考满原有称职平常不称职之分此系旧例近来一概考称殊非明试之义今后各官给由两京堂上官在外抚按官务要考其治行优劣据实开报吏部都察院仍要严加考核分别称职平常不称职照例施行不许一概含糊奏请一各处儒学生员食廪年深需贡淹滞宜加< 銙-銓 >通今计于岁额外顺天应天二府每学添贡二名在外府州县及运司卫学各添贡一名提学官仍查贡次在十人中科举三次以上从来未经考劣缘事停降者考取起送以寓选举经明行修之意止行今年一次俱于明年四月内廷试其有年力不能待贡愿告冠带者给与一武官诰敕系朝廷报功大典向系所司刁勒以致各官不敢续黄兵部便行文天下军卫衙门逐一清查果有年久未续者许本卫所保勘明的准与续黄以后袭替必须亲赍诰敕与黄选查对相同方准选授一内外大小武职官除真犯死罪及事干军机重情不宥外凡一应干累诬误犯该充军立功等项所司查明来历奏请定夺其失机不系失陷城池及杀人至二百人之上内有年力精壮尚堪委用者许其具奏所司查实题发边卫充军立功赎罪一内外问刑衙门无论文武职官有犯曾经抚按问明具题覆请未下者查照原拟发落若正犯已故累及子孙者酌量开释其各省直抚按官例报审录矜疑等项人犯题请未下者亦俱照原拟发落一两京监禁各卫所拖欠漕粮等犯官地隔千里不便追徵合押发本处粮道监禁变产完官其有监故病故等情仍令子孙袭职限五年内或扣俸或设处每年务完二分若过限不完照例参降一工部铺□夫匠等役有做过工程纳过物料已经实收到部后又减欠者原与预支花费殊科查果逃亡产绝者准与豁免一东征诸军士或调或募死者暴骨沙场生者戮力塞外优恤之典屡蒙廷议今宜行边腹各抚按查自兵兴以来战没军士所有田土不论民地屯地但系的产或无人无力耕种致有荒芜者其前所逋钱粮尽行豁免仍查给各兵的亲人丁助其牛种待成熟后方可起科但不许各兵族人将旁人之地濶称兵地以冒蠲免一文武东征道将诸臣剿奴陷没者义气常新忠魂不泯身后之恤例得从优其各官所有田地人等生前优免者死后不得遽尔开徵仍照各官品级应免徭银之数查某官于某年月日战没即以为始再免六年六年之后方可议派以示朝廷优恤劳臣至意一内外各衙门见监死囚重犯有情可矜疑及人命在辜限外者覆审是实俱免死发边卫充军其人命无尸可检强盗赃仗不明及年久无赃人犯无证具题未下原问衙门未成狱者即比照热审事例清查释放一在京在外监追还官入官给主赃物除原系官钱粮监守侵盗者俱照旧监追外其入官赃百两以上给主赃五十两以上若监追二年之上正身已故家属代追各勘无家产堪以变卖者开具所犯情罪奏请定夺若入官给主之赃不及前数监追半年之外正犯身死勘无家产悉与宥比若系埋葬银两正身见在仍依律追给以恤死者一节年行勘文武职官迁延不报以致奸猾得脱被诬久淹诏书到日各该抚按官通查原承行官立限催勘奏报如仍怠违参奏处治一各边镇军器所需及抚赏段疋诸物承委官多侵克额价收买滥恶物料以致器械火药制造不精其紧要夷日本路道将往往那扣别项钱粮赔买赏用司道官漫不经心或徇情差委今后务选廉干正途府佐照价买办布政司及本道守巡官严加查验事竣开注有无情弊甄别贤否呈送督抚巡按衙门以凭荐劾奖戒一近来法久废弛武备不设以致盗贼生发貽害小民有司又多避忌失事隐匿纵容往往酿成大患今后各该抚按官务要严督司道府卫州县掌印巡捕等官遇有盗贼即行缉捕务在得获每季终将各该管地方有无失事及获过盗贼名数申报查考敢有隐匿不行从实开报者提究如律若抚按官姑息容隐听科道参处一京师首善之地五方凑集有等无籍恶少

结扇成把攘夺恣肆大为民害亦有娼优隶卒滥窃冠裳服饰裘马僭分凌上风靡俗流败坏斯极今后五城御史密访严拏情重者尽发辽东为民或令编伍守哨以警奸顽一邪术诬世如无为白莲红封大乘等教广布传头结连亡命甚至造符印拥兵仗一呼百应莫可谁何矧有奸民专以赛会进香为事輿盖雕龙画凤旗鼓蔽日喧天违法殊甚宜严缉教师会首依律究罪余党解散迩来淫祠日盛细衣黄冠所在如蚁今后敢有私创禅林道院即行折毁仍惩首事之人僧道无度牒者悉发原籍还俗一苑马寺所隶牧军额设田土多被豪恶侵占群外马匹妄报余丁以致马死人逃贻害原籍兵部行文该寺监苑官不许听信奸猾报丁滋累群外死马亏欠除正军外不许监官移文擅拘原籍违者听巡茶御史参治其一应未完赔补自万历四十六年以前尽数免追一中都留守司河南山东都司所领班军月粮应解州县每年拖欠致各都司官呈借太仆寺班银马价及兵部扣留班军老幼银两俱未补还及免班年分应折班价并新旧绝军粮银未解数多今除四十四年秋班以前拖欠者悉免追徵以苏困累内有已徵在官者照数补解其四十五年以后拖欠仍各照年分追徵一各处卫所岁造军器并有司该造弓箭弦条自万历四十八年以前拖欠未完者悉免补造其收过有司物件准作以后年分该办之数敢有因而侵欺者治以重罪一各处额编民壮快手本为缉捕盗贼而设近来数多差占或赴各兵备道团操遇有草寇窃发有司束手无措今后不得占役一人悉令放回各该州县责成掌印官捕官设法操练各兵备道巡历之日比试查验其保甲一事尤为弭盗良法兵部便行文各处著实举行一军户有重役不问三处五处遇有事故如果户内人丁消耗只并一处勾补其余悉行开豁及有人倒户绝并同名同姓被人妄报连年勾扰者有司从实体勘得实即为转达该府兵部开豁毋得展转勾摄贻累无辜亦不许指此为由概将有丁之家徇私卖放空歇军伍违者各治以罪一四十七八两年在京问过发配纳赎三年以下等徒罪监禁日久可抵配赎候过寺后即准释放犯罪存留养亲备载名例律凡军民罪囚有祖父母母年八十以上老疾应侍家无以次成丁者犯该死罪除极恶重情常赦所不原汲奉钦依外若误杀戏杀诬告人累死随行亲属等项开具所犯情由奏请定夺其徒流人犯照万历四十二年例发本处摆站做工煎盐瞭哨以便存留养亲务勘结明白不许纳贿扶同任情朦胧混行违者以故出论一先次 恩诏各省直自二十九年起到三十四年止各项钱粮查系小民拖欠悉与蠲免惟是顺永二府所属州县卫所因四十三年间旱灾异该抚按具< 疏-金 >欲将四十一年以前悉为蠲免该户部覆准将三十八年以前的系小民拖欠者蠲免三十九年以后仍令下年带徵今各省直蠲免应自三十五年起顺永二府所属自三十九年起各蠲七年至京城内外居民房屋比岁雨涝冲坏未尽修复者准免房号三个月廊店房屋倒坏者查明免租直隶蓟州昌平武清玉田三河东安宝坻等州县牧地草场新增解监银一万六千有奇先年已经按屯两臣具< 疏-金 >请免该部题覆其地属荒歉银系重科该监岂得朦胧徵扰仍照万历十年清丈原额徵银解部其加增解监之银尽行豁免以宽民力一北直隶涿州良乡固安武清永清东安香河潮县通州三河等处卫屯军自万历二十八年以后新增屯丁银比例矿税徵解通湾税监已二十年军苦已极四十二年虽恩例赦减三分之一而害未全除徵纳更苦今边陲未定调募日烦卫京之兵尤当休养岂堪重累畿内过路落地二税已经抚臣具奏停免此项屯税自今四十八年为始著同二税一并蠲免一朝廷政事得失天下军民利病许诸人直言无隐于戏监 成宪以罔愆绍述祗承夫志事同民心以出治兴厘用协于章程凡在照临偕臻闾閻悻布告中外咸使闻知

○遣行人司等衙门行人等官祖重烨等赍 诏往省直等处开读

○直隶提学御史周师旦＜ 铨-金 ＞言 国家待士有体新例不宜滥觞从来御虏征倭军兴耗费不訾闻行鬻级曾不闻齿及庠序近见户部辽饷事例议开纳生员一款其事甚辱其名甚丑不识所谓开纳在岁科两考额以内乎抑额以外乎如在额内则臣之两考将浚何从搀入如在额外则孤寒望若登天而贾人得之唾手国家即患贫何至失伦若此欲收赤仄之锱铢混进白丁之亿万后 朝廷以疵政变士类为浊流伤士心而摧士气将尺寸未获而寻有余丧且教化之地先由贿进人材不成人材国体不成国体其所决裂甚大若纳贡一款礼部与通政司详言之亦无俟臣赘说矣章下户部已而部覆竟罢之

○南赣巡抚副都御史周应秋进解存积以济边储计共三万零八十两有奇且＜ 铨-金 ＞言辽饷一岁所需八百余万理财之策宜著实讲求如国初召口中纳之例汉家募民实粟塞下之令金城且耕且战之策皆可仿而行至于选将练兵使转饷不付于流水尤为吃紧报闻

○山西道御史冯嘉会＜ 铨-金 ＞言自古抚军字民莫急吏廉将义近据参郑之范贪婪酿衅致数十万生灵屠戮平夷营游击陈维翰家人驮载大定银一百五十两俱系克饷之赃边腹之吏耳蹈之范覆辙滥讼取贖积穀折价征粮索耗十分取二甚至有以税契为利藪以找价为奇货阖县追呼鸡犬不宁九边将领沦胥维翰污阱剥削公行昌破取利月饷时克隐军扣银甚至贪帅掠地皮将军作饥虎致军士衣不盖骭菽不厌口愿奔外夷以为乐土也当此徵兵加派所在绎骚欲得军民效命须惩将吏之贪顽欲惩将吏贪顽须严加耗侵饷之罚愿 敕下所司以后武臣剥军责在督抚文吏朘民责在司道抚按与臣等所摘发俱严行追并押发济边不但惩贪兼可助饷今内帑山积宜奋然慨发数百万以济危边表端则影正天下文武臣工未有不洒然易虑者 上是其奏

○虏犯石塘路巡按御史王象恒奏八月初一日石塘路达贼万余从各口冲入先攻白马关又攻高家堡冯家堡

○丁未祭先师孔子遣礼部侍郎刘一燝行礼

○直隶巡按御史卢谦＜ 铨-金 ＞称顺天府文安县效勇营洼下苦水欲仿霸州花儿淀等处折徵之例除 慈宁官系进宫钱粮例不蠲免外其余如瑞安府地效勇等三营官地大宁桥牧马场地陈家务草场官地营淀续垦额外荒地等处乞 敕户部悉照霸州事例折半徵收以苏昏垫之困未报

○礼部奏 新主临朝万几攸系乞少节哀情择吉御门听政会阁臣具揭钦天监官择到本月十二日吉 上报可命具仪来行

○初万历之季阁员多缺

上践阼念边方多事帷幄匡襄咨揆宜亟会阁臣方从哲< 铨-金 >

皇上维新庶政辅理之职断非一人能办

先帝钦点史继偕沈< ㄣ 奎 >二臣急宜允用一时才望诸臣与去岁已推未点者仍乞敕部会官推举一并列名上 请庶群贤并进而政本不孤得

旨先点二员允用还著吏部再推见任在籍素有才望者七八员来简用

○直隶巡按田生金言工部坐派 应徽宁三府广德一州改造段正三万二千九百疋而岁造不与焉原无额编惟留工部四司料价支用查三府一州该价值铺垫等银三十二万五千九百九十两有奇而节年存库及见徵料价止得其半二运无凑难完三运费将安出夫一运之供已费三年之料价则三运之办必须九年之蓄积今既不能以一年徵三年之价则何以三年责三运之完当今民力雕疲入孔既艰出孔宜节即云赏赉必不可已然两运既完将数年足用其改造三运乞 特赐停止得

旨改造三运段正准暂停止二运未完及苏杭等府应停的著该部查议具奏

○福建道御史万崇德奏辽事败衄徵兵徵饷十八万枵腹之众既聚于辽东则二十万本色之糈须发于海上今登莱津门应运之米闻将竣运独淮安三十万石总漕王纪副使岳骏声经营虽有次第然路经成山嘴始皇坝险阻汹涌今乘载者板钉稀薄之船撑驾者新募游惰之众易动难制督理需人徐淮之间非无事之地若复以岳骏声理运地方弹压何赖乞添设海运兵备官一员如粮储事例住劄淮安往来津门间专理运务其应用隶胥诸费见有新裁盐法道旧额不烦徵派亦可转移官事无掇责成极便章下所司

○戊申谕内阁传起建皇极门殿择日兴工以文华殿窄小百官朝贺列班不便也时辽饷愈急大工起建有司莫措乃以工部请发内帑二百万刻日起工

○下考选散馆各官俱令实授从吏部遵奉 遗诏之请也时授职者庶吉士史永安博士陈胤丛刘述祖中书周朝瑞朱童蒙董承业张其庭房可壮刘大受罗文英蔡国用高弘图梁之栋行人侯震暘汪庆百陈所志余合中张论张素养赵于逵丘兆麟周用宾罗汝元邓秉修潘文龙谭锴推官林一柱李九官李逵知县史孔吉杨所修熊德阳刘弘化苏述张修德贾继春马鸣起郭增光董翼王一中乔承诏游士任安伸袁化中汪泗论傅宗龙田珍陆世科江秉谦张慎言冯三元王梦蛟张鲤李良栋游凤翔共五十五员朝瑞震暘吏科孔吉胤丛户科庆百礼科所修童蒙兵科德暘承业所志弘化刑科其庭工科述浙江道继春鸣起一柱湖广道永安江西道增光述祖修德翼广东道可壮一中承诏士任广西道伸化中大绶河南道泗论宗龙珍合中山东道世科文英秉谦国用九官山西道慎言达论弘图陕西道三元四川道纂养于逵梦蛟兆麟用宾云南道汝元秉修文龙之栋贵州道鲤南京江西道锴南京福建道良栋凤翔南京湖广道皆监察御史而两咨散馆若申廷撰舒荣都张浚郑宗周聂绍昌易应昌郭如楚王槐秀张师孟则以推补按差先得 旨

○直隶巡按御史田生金请改折广德州漕粮谓广德州从外江贸米赴宣城水阳镇交兑骚费万状盖其地四面阻山不通舟楫故征银于本治市米于外江先年曾行改折已题奉钦依

谓三年不拖欠永著为令不谓永折未行复有徵银兑运之事行之数年更多奸窳乞敕户部议将运未改折起解以杜诸弊官民两便部覆得旨仍改折三年

○升河道总督工部右侍郎兼右佥都御史王佐为工部尚书南京大理寺卿王永光为工部左侍郎江西巡抚右佥都御史包见捷为吏部左侍郎郧阳巡抚右佥都御史陈禹谟为刑部右侍郎

○起升原任兵部侍郎汪应蛟为南京户部尚书原任湖广巡抚右副都御史董汉儒为工部右侍郎

○升左通政林学曾为太常寺卿尚宝司卿熊尚文为太常寺少卿吏科右给事中姚宗文为太常寺少卿浙江道御史刘蔚为顺天府府丞福建道御史陈于庭为太仆寺少卿太常寺少卿管国子监司业事李腾芳为詹事府少詹事兼翰林院侍读学士掌南京翰林院印信

○命大理寺寺丞房壮丽署掌大理寺印信

○兵科给事中魏应嘉＜ 铨-金 >法祖四事一曰修身盖人主一心攻之者众惟是起居食息之间凛龙见雷声之惕则可以当万几而不劳萃百责而不疲此为修身之实二曰勤政郊庙必亲朝讲无旷使一心周回于天下天下流通于一心但愿在文华殿对群臣之时多则天下治此为勤政之实三曰亲贤辅弼大臣托在心膺是宜博选高贤岂拘翰林一局必藉肝胆骨力者三四人以俱收夹辅之助此为亲贤之实四曰纳谏古者谏无定员今者言有专责复一年一取之旧斯收四目四聪之功而废弃诸臣尤宜尽起以风有位此为纳谏之实未报

○户部尚书李汝华覆山东抚按题东省海运六十万石除运过外尚少三十万石议留解部京边银两不知京边系各镇各库各衙门吃紧之需毫不可缺惟平糴可以通融今查东省报过仓谷七十余万请以其半糴银十万余两而四十七八年加派并徵又似不便议将已解见徵者作四十七八年京边之数而通减四十六年以宽民力其四十八年加派该五十四万余两议以二十万两充今岁海运以三十四万余两目下收糴以为明岁海运之值庶为两便从之

○己酉祭大社大稷命恭顺侯吴汝胤恭代

○命工部侍郎王永光给事中薛凤翔巡视工程

○钦天监请改书历日年号报可

○命吏部右侍郎兼翰林院侍读学士史继偕南京礼部右侍郎沈＜ 彳 奎 >俱升礼部尚书兼东阁大学士差官行取来京同从哲入阁办事二臣先帝所点用而未发者

○起升原任吏部右侍郎朱国祚为南京礼部尚书

○礼部右侍郎孙如游等＜ 铨-金 >言自古继体之君遵遗训以凝承天意无急于及时册立者臣部在昔盖尝催请数四且往日 皇上毓德青宫元子朝夕与俱顾复之爱实以父兼母训迪之严又以父兼师今日有万几势或不能自非早为册立付之保傅之手日为护持磨琢 皇上之心亦不安然则行册立遗诏 先帝非直为皇长子虑亦兼为 陛下虑也乞 敕择吉具仪 国本幸甚 上报曰遵遗诏于释服后举行择日具仪来奏时科臣杨涟继请言臣考册立故事宣宗以宣德三年立 英宗为皇太子时二岁 宪宗以成化十一年立 孝宗为皇太子时六岁孝宗以弘治五年立 武宗为皇太子时未周岁即先皇之正储位也亦仅六岁耳今 皇长子年十六矣以 皇上御极未及旬余较诸帝之册立为尚早以 皇长子历年如斯而讲读未就冠婚已逼较诸帝青宫之日为已迟且 皇长子昌龄日茂未离阿保惟是体统一尊远嫫褻而即庄严则气体以坚一善也名位一正去幼志而修袞职则德性可成二善也宫僚渐备近贤良方正之日多三善也伉俪维时开虹流电绕之祥四善也孙谋已裕燕翼无穷先皇帝后膝前十六年之爱注亦可以即安五善也若夫龙轩甫正鹤禁旋开于皇上远猷鸿业尤善之善者一人元良万邦以正社稷之福也报闻

○诏万寿免行庆贺礼 旨意悲痛以 大行在殡也

○工科给事中惠世扬论御史刘廷元往日用事群小附和职掌之外别有官评高下考选主张年例开款造事日事驱除一旦有顺天之命臣工错愕况其声应气求又有徐兆魁为之副院哉并纠兆魁抚楚不职状当 赐罢斥以肃新政奉旨徐兆魁以新简留用廷元下部院议盖兆魁时已升副都御史也已部覆廷元俟论定处分

○云南道御史张新诏论前文选司郎中陆卿荣补吏科给事中侯震暘原无见缺升街道厅员外郎戴澳越跻俸次紊乱旧章为跋扈之渐既卿荣＜ 铨-金 >辩新诏再＜ 铨-金 >坐以贿状且言刑部员外郎徐大化以考察罢废之官卿荣受贿破例起用＜ 铨-金 >下吏部覆称卿荣＜ 铨-金 >请归省宜听大化照旧供职报可

○督饷户部右侍郎李长庚议得去岁海运初开几不能济今春力开北岸较南岸一运可抵三运而又省各岛风礁之险然海运止七八月可行今计止五十日耳两年所截漕米五十万石将次卸完而船无脚价舡待不行转盼九月便当停运又山海关积粮四十万石堆浥可虑臣查南海口可径达盖套乃留淮船十余沙船五十为南海口之用此道开则关粮便可直达视繇关陆运至辽者省其三倍视繇天津达辽者每石可省三分通计运粮四十万止费十数万可完也至天津召买料豆则□人四十七年所买者价未找完何以责四十八年之召买此实军需便宜急务而库藏无措恐失运期乞将内库银两暂借一百万为运粮召买之资盖有银斯召买无误召买无误则海漕得因便转运而辽左可无仓卒告乏之患臣熟计甚便也已又请截漕运以济边饷言去岁蒙 恩截漕三十万石于天津今岁截漕二十万石目前将次

运完矣八月末旬使当停运明春二月始可开运而今岁所运之粮恐止足供岁里之用万一明春缺乏仓卒告急彼时存贮无粮新漕六月方到将何以应之辽饷本折已经议定多之于本扣之于折本色非海运不能多非豫备不能济乞下部议允截漕十五万于天津而即扣新饷于太仓银库庶明春二月不误首运部覆 从之

明光宗贞皇帝实录卷之三

大明光宗贞皇帝实录卷之四

庚戌颁赐各王府银币据万历元年例向无侄孙一项今参酌应与侄同 上以 福王潞王懿亲常赐外特加银三百两纁丝罗各十表里纱十疋锦四疋钞二万贯

○兵部尚书王嘉善开具辽东等官应赏差等其续后出关将官未在赏内者

○敕经略于前发金一百万两内照例颁给于是赏总兵官镇守守李光荣征夷柴国柱贺世贤援辽杨宗业陈寅陈策银五十两一表里兵备道王贞薛国用李乃兰康应乾监军道高出邢慎言牛维曜管饷齐君荣单崇银三十两副总兵官见任窦承武戴烨等共九员银三十两参将阎正名游击官麻承宗戚金都司金书倪承勋方承勋见任原辽共七十五员各银二十两备御守备官左辅坐营官周世禄小把总等官雷起潜见任援辽共五十二员各银十两援辽土司石砮司女官秦氏保靖宣慰彭象乾二员各银三十两一表里援辽土司酉阳领兵加衔守备冉天胤石柱领兵指挥使马祥麟永顺司领兵官汪一龙三员各银二十两

○吏部奏

诏书内一款建贤弃官并矿税诖诸臣酌量起用其事关国本得罪者分别奏请召用恤录臣等遵 明旨除事关国本查开职名另奏外而建言诖误诸臣灼之最确者先行起补其余次第采访不出一两月咨诤当无不真进用亦不相远奉旨系卿部内事其酌量推举以俟录用按诸臣获罪 先朝或争时事批鳞受谴或弹时相逢怒远逐或犯税珰逮讯长系至于国本一事杖谪尤多大者捐性命小者削官爵远或二三十年近且一二十年姓名既不闻存歿亦难具悉故部酌次第采访起用一时弹冠之盛穷岩遗老为气焉

○起升原任南京刑部郎中邹元标为大理寺卿元标自万历初论辅臣张居正夺情杖几死再起再黜伏林间者三十年至是召用之

○起升原任浙江道御史李宗延为光禄寺少卿河南道御史冯从吾为尚宝司卿各添注宗延从吾俱以兵部推升不行论列谪为民

○升督饷户部右侍郎长庚为本部左侍郎兼管照旧

○升宁夏巡抚都察院佥都御史臧尔劝为户部右侍郎

○升顺天府府尹王舜鼎为南京通政使太仆寺少卿徐必达为应天府府尹

○起升原任湖广右参议朱一桂为太仆寺少卿添注

○起补原任太仆寺少卿周曰庠添注

○起升原任河南道御史刘光复为光禄寺寺丞添注当张差闯入东朝 先帝同上召见群臣晓谕光复高声称颂 圣孝词未毕
先帝怒其震惊灵帟遽下狱廷臣噤莫敢救凡四年始释至是特起升之

○升陕西右布政使毕自严为太仆寺卿管京营少卿事

○升福建左右政使毕自良为太常寺卿管少卿事

○升河南布政司王志远为广东左布政使

○升鸿胪寺左丞展自重为本寺左少卿

○翰林院编修林釭起复除原职

○兵科给事中薛凤翔上时政二事一曰内旨当慎夫阁臣之设原以票拟为职阁臣以票拟司王言之出入而天下即以票拟定阁臣之得失今煌煌 天语半繇中使传宣即

圣意速发固以消中留之端而王言径行恐反滋外疑之渐寺人不许干豫政事 祖训极严而可令口传内旨启人以不可知之疑乎愿自今一切旨意务发阁臣票拟随览随班庶无假借之患一曰留中当防夫臣子自面奏外惟凭章疏血脉一通则官府情合血脉不通则釜鬯势成奈何同一启事或此报彼遗同一推转或前迟后速乎虽圣政时新非坚久而不变而万几日萃恐怠惰之易生愿自今一切条画务勤乙夜观览随览随发庶永无隔碍之患然而阁臣赞襄枚卜尤重资格非可拘于内外岩穴亦可豫于旁求不报

○命原任户部山东司主事鹿善继复职先是善继以辽饷告急借发金花五万两以济急被斥吏部屡以为请从之

○吏科给事中周朝瑞献慎初三要略曰

陛下新政用人发帑撤税可谓有初矣顾天下鼓舞若更生者此初而 陛下夕惕乾朝历万年当如一日者亦在此初今贤才渐见充盈然收一才必期得一用宜令有言责者得尽其言有官守者勿夺其守若乃系忠良之手足而使謏悦为容辈反得乘憎而营窟穴则慎初以信任要矣君之施泽犹水沃物一息不贯立成枯竭矧辽左索赋正急今日所发几何将无又处其穷宜留金花不尽之余省内库无益之积更有不足佐以帑金务令吏卒沾恩誓灭夷寇则慎初以行人要矣海内苦榷徵如在汤火税使一撤何异移之清凉痛思
先帝仁明祇缘导自宵小以至官旷治隳貽祸人国今撤回到阙即有随进金钱宜

○敕发辽饷明阿堵非

明主所贵诚虑及积习智巧之难防则斥远嬖佞尤慎初者要之要矣臣实快心于既鬯之皇猷而更愿 圣主之修举者如此 上谕内阁金花银两原系旧制进内以备典礼等项赏

赐俸粮之用周朝瑞要誉妄言本当拏问姑降一级调外任用阁臣随具疏言 皇上莅政方新人心望治甚切铨部起废之疏随上随下乃朝端一言即行谴谪殊非政体之平且主事鹿继善蒙恩复职借金花者业及宽政议金花者独蒙严谴亦非一视之仁相应免其降调令守原官奉 旨恶其阻绝国用已有旨不必申救尸科给事中王继曾疏陈时事言臣惟古人主善用言官无如

○先帝万历初年诛恶阁罪权相起废官皆用言官言无留行迹十年间言官用朋党相倾不一图王之国先帝阁言者不用是非先帝之失而言路之罪也当鼎成之时亦穆然深维国家不可无謇谔之臣而以臣等付 陛下倦倦望 陛下之亲贤纳谏而诏臣等以授职建言言官言可采则采之不可采则阁之人可用则留遗 陛下用之故臣以为善用言官无如 先帝者也臣今者所为扬肝胆以效忠舍笔橐无所图之矣臣与诸臣约章疏无得作隐语以烦 君父射覆大臣彼论杜门静听小臣不得展辩章奏烦渎易起厌倦非所以重言路之体也毆阳修有言谏官虽卑与宰相等夫从容论思俟君之自听者宰相也慷慨陈列强君之必听者言官也汉武帝英风之主汲黯数面折其非人臣而至于面折其君非得已也臣不愿 陛下令臣等至此臣所愿者 陛下将先帝亲贤纳谏四字大书于座右今而后临御不辍朝宰相不离侧谏官不停< 铨- 金 >用人行政不如此数日举动令臣等有法度之言无弼违之言是上愿也报闻

○户部奏自奴贼发难兵马钱粮俱出创设加派原非得已但外解者任意迟缓而分用者又任意图便开销者开销断绝者断绝职部不得已具题会议另加派银一百万两为兵部安家马价二十万两为工部器械则分用亦各有数目矣今查四十六年四月起至今年七月止共解过辽东银八百三万八千有奇近据新饷司报援辽兵以十八万马十万匹以折色论计该二百九十余两辽沈开铁岭额兵除旧额外该新饷三十万一年约该三百二十一万有奇各衙门公费一万有奇各道驼运一百万有奇各道召买粮料六十万余通计每年用银四百八十余万两以本色论兵一十八万马十万匹共该粮二百五万二千石即辽左一镇一年除本色外用银几五百万关内召买及各镇调兵行粮盐菜不与焉即加派全完不过四百万新饷少角□羊一分则误饷一分是误该部即误辽也职部会同督饷及经抚严参处从之

○是夜漏下一鼓东方有流星大如盞青白色□走□虫□蛇东入奎宿二小星随之

○河南续发毛兵三千五十有奇家丁三百一十有奇援辽起原任宁夏副总兵刘光祚统之先是河南南阳汝州三处已募过兵五千矣至是部覆徵七千而不能盈其数也已部议加光祚注衔左军都督府僉事援辽

○辛亥谕内阁 大行皇帝梓宫发引传示该部具议来奏

○礼部左侍郎孙如游上丧服视朝仪言孝以善继为隆礼以顺时为大 皇上性生纯孝兹当 大行皇帝丧礼哀痛迫切而代天理物正以纾罔极之怀适今嗣登宝位之初万机攸系伏望念 祖宗 社稷之重少节哀情请

○御文华门视事文武百官行奉慰礼有
旨朕哀痛方深岂忍遽离丧次其以本月十二日视朝尔部具仪来看

○礼部奏丧服列代皆有制度而断自 孝宗皇帝盖 孝宗笃于亲而丧礼详且备故

武世穆二庙以下宗之 孝忠昔居 宪皇帝丧御门视事在丧制二十七日内服具褙二十七日外易素翼善冠麻经至祔庙释御朝如常仪今准旧制则宜于八月十二日褙服

御文华门视事百官素服乌纱帽角带奉朝参候梓宫发引除从之

○谕礼部朕生母升天年久追尊祔葬事宜查例具奏

○礼部奏 万寿圣节各王府进到表笺庆贺礼仪不便陈设应类收送司监收贮从之

○两广总督许弘纲奏乌猪外洋有倭船四只寄泊官兵斩获贼首五颗生擒四十名夺获器甲余贼落海无数题叙有功员役下部

○甘肃巡抚祁光宗疏报该镇选发援辽兵马一万三千余用马价银一万一千八百九十有奇其祁家土兵原系西番纳马种田言语不通未经战阵骤闻调遣辄相率入山声言投虏难于驱迫鲁氏土兵昔年因协守鲁光国不轨题裁已久即有土民皆田野村夫素不经战尽力挑选止得五百不能取盈千数户部二部题覆报闻

○福建巡抚王士昌奏海寇袁进听抚令之立功海上自赎并叙文武将吏带管海道岳和声等参将纪元宪等抚剿勤劳下兵部知之

○御史王槐秀参福建巡抚王士昌贪肆不检言入境之初多用夫马已无恤民之念强贼袁八老之委用人称军门外府船户黄聚寰之贩海共说暮夜入金志衰宦成心弛防检亟宜罢斥奉 旨留用

○御史张师孟参延绥巡抚董国光封疆失事湖广巡抚徐兆魁保奸养乱兵部尚书黄嘉善调募失策乞正枢臣之罪罢二抚之职庶中外震悚而奴虏斂迹不报

○吏科署科事给事中暴谦贞陈用人之概以光新政其言阁臣者佐明主燮理天工今政本单弱或备顾问或裕经济一内一外故事确有之例在 皇上当断自宸谋在辅臣当□夕工□心□主公议者也起废者为国家收拾贤良今品如麟凤早当 赐环或列公卿或沾一命毋使黄发恨弃于明时缁衣倒置于万世可也先帝还年启事缘留中不报诸臣遂有窥其微而肆其机者论不本乎虚公志每存乎捭击一网之势已成风影之疑愈结夫东西南北何地不生才宁可终于禁锢良苦长短何人不当用宁可坚执成心平不平之情制难制之念在诸臣共最之耳然公平之谈虽美公平之念难持指夷作跖是曰用罔声起景附是曰蔽公要在

我 皇上坚持今日之美一切章奏朝上夕下悉付辅臣冢宰一一剖决求其至当即刻回话则大臣不能事其模棱小臣不得凭其胸臆可否立定美丑攸分但营职业尽可表见何必自立异同构兹祸乱也报闻

○起升原任都给事中钟羽正为太仆寺少卿添注羽正当万历辛卯因册立事礼科罗大紘以论元辅申时行降外上疏争之遂革大紘职而罚羽正俸次年壬辰又以同官李献可公疏论储教降级疏请同罚遂降极边

○起升原任南京吏部考功司郎中饶伸为光禄寺少卿伸以刑部主事论辅臣王锡爵子衡不宜中科削为民起原任礼部祠祭司主事为民万建昆为南京礼部精膳司主事建昆以万历二十六年有忧危宏议一书传于朝语涉国本皇亲郑承恩疏辩御史赵之翰遂言此给事中戴士衡所为盖疑士衡曾为大学士张位邑令此书受位指使而建昆与位同里有连因牵及之遂降杂职边方寻疏辩为民

○起升原任吏吏科右给事中为民王佐为尚宝司司丞原任云南道御史区大伦为光禄寺寺丞佐以封倭事有旨责该科推诿避难同叶继美革职大伦以兵部拾遗及推升宋世恩谓言官不能论列而革职也

○起升原任刑部山西司主事秦聚奎为光禄寺寺丞聚奎当万历辛亥言汤宾尹不当考察以代辩勒致仕

○起升贵州都事刘文炳为尚宝司司丞文炳当万历丙辰以沈同和场弊论辅臣吴道南谪

○起升任原陕西咸宁县知县为民满朝荐为南京刑部山西司郎中升山司按察司经历翟凤翀为南京户部浙江司主事两淮运判叶大受为南京兵部武选司主事朝荐以税珰梁永讦奏逮诏狱七年后放还凤翀以言事得罪大受为工部谏修胡良桥工被谪

○升陕西右参政余自强为山西按察使

○壬子 钦定新陵名曰 定陵阁拟四名以进 上所择也

○谕内阁 圣母孝端皇后梓宫停安已久宜当发引并
大行皇帝梓宫如何发引令该部具议来看大学士方从哲回奏言 先帝梓宫在殡
皇后无先发之理而玄宫隧道开挖将完又难久待应
命该监择吉同时发引仍先期奉迁
圣母温肃端静纯懿皇贵妃一同祔葬新陵然须待加上 尊谥之后方可举行

○召服阕礼部右侍郎兼翰院学士顾秉谦以原官起补与侍郎韩爌同管纂修玉牒事务○
新推甘肃巡抚杜承式以病免

○御史郭如楚疏言

圣明践祚九徼雨润然有初鲜终古今同戒故使图史时亲

○经筵时御章奏时下则无倦勤之渐起居必慎传宣不轻威福不惜嗜欲必啬斧斤必远则无耗损之渐嚙笑不假则无壅蔽之渐譬出匣之镜屡拭更鲜百淬之芒愈铄不挠则志虑清明身体强固万年磐石在今日始乃补天浴日绳愆纠谬则相臣谏臣二者最重此番推举阁臣一切资格门户皆当划除惟求弼主济时无负 君国谏官虽卑与宰相等此时振鹭充廷人思自见惟是形之笔札须盟之幽独果否无以起见无以意气声名起见无以党局恩怨报酬起见愿言路诸臣同野涣群以成 圣天子荡平之治不报

○御史张浚疏言自古谈立朝者以正直忠厚为本盖雷同非国家之福要以同心体国则意见自忘争执自化据臣留题以来所见台省诸臣无事不争无时不争始之以争继之以逐株连祸结所伤言路诸臣几无噍类臣有慨于中谬意刻核之后不妨暂还和平事有可不可坚而持之则争何如暂置之以俟事体之自定人有贤不肖强而辩之则争何如姑需之以俟公论之有归天下国家之事天下国家之人言之苟国是之有济何必是不在人诚千虑之一失何必非不在我 圣主励精图治诸臣宜涤荡肺腑嘉与更始见无分于彼此人无判于东西老成者平气自处勿作清流之祸新进者平气处人勿操同室之戈盖是非不明则争略明即止此日直穷到底恐后来收拾颇难如全此攻王图攻李三才初何尝不是但乘胜之过至于不能容人主张之过复至于不能自容则亦何益之有人才消长之际国家安危攸关伏惟

圣明采择 上是其议命以后言官都要同心体国毋彼此纷争致伤和衷之谊

○辽东巡按御史陈王庭疏言东夷入犯查劾失事官员本年六月十二日奴贼共二万余分为二股一股自抚顺关进境总兵贺世贤御之一股从东州地方直抵奉集堡总兵柴国柱御之斩级四颗贼退去其所属王大人屯百官人屯共十一屯尽破掳去男妇三口查核失事游击祖天寿周守廉革职戴罪立功游击冯大梁酌议降处是役也按臣言贼谋不在抢掠而在攻克志不在村屯而在沈奉幸经略屯兵豫设二帅力御贼始少却然屯堡一空中朝不无异议而经略熊廷弼遂萌谢事之志又廷弼疏言各官功过不掩有

旨下兵部

○辽东巡抚周永春疏言夷酋虎墩兔憨等箭赏共银一万八千两又加进马赏三万两其一万八千两借支阅科寄库银其三万两原在辽东马价太仆寺内加派而辽荒旱仍借动阅科银照会太仆寺支销盖是西虏讲赏乃是定

○命工部侍郎王永光署掌本部印信

○癸丑 孝康敬皇后忌辰遣彭城伯张嘉猷祭 泰陵

御史黄彦士疏致言新政十事一曰隆孝思窃闻

先皇居太后之丧易月之余宫中不角□羊衰服维时臣有服制之疏谨再封进以请乞下礼部条其所宜著为定礼权于易月之中不失三年之爱一曰摄圣躬 皇上睿质清癯急在保摄然保摄之道无如日御讲读接宫妾之时少接贤士之日多以养心则义理明而志益清以练事则嗜欲夺而身益固令名寿考皆本于此一曰备辅导顷以辅理乏员再推矣臣以此举宜不论资格不拘内外兼才则以备方员之画偏才则以调甘苦之和慎简而信任之庶一德一济一曰勤政事 皇上旬日以来批答虽速延见尚稀臣请朝讲之暇时御便殿延问辅弼科道差遣诸臣以励职掌以决机宜庶无丛脞之患一曰通言路先皇之朝言路似通实塞乃

新主君临人思自效即言不当亦无惜批发使人得言所欲言言路以辟而通又使人择言后言言路以清而通也一曰起废弃山林诸臣业分别起用矣诸臣才品不同皆足备录用然后有经论列清议难容者此辈岂容滥徼新宠宜考去国之繇参平心之论毋以影响轻訾老成亦毋慕调停反空善类可也一曰振吏治迩年人竞而鲜耻风自下流咎繇上作若高下一程其材能迁转一叙其资俸恬退者奖人何乐于奔竞疎简者登人何乐于多费是惟严飭提衡上下互相振刷庶挽回有机耳一曰谨阉寺旧制以供扫除而今极重难返矣此辈间有贤者而君侧每易为私臣谓嚙笑必不可假借政事必不可干豫钱粮必不可乾冒至于中旨口传须防煊灶之奸进称孝顺应堕规利之窠 新主当阳宵小观望当剪萌芽毋使滋蔓一曰严武备都会重地恃一京营兵有十二万老弱者汰则兵精汰存者练则技熟 新天子赫然震怒文武将吏号令严赏罚必令行禁止此不可急飭者也一曰固边防盖九边事视一经略经略而不足任也不可复掣其肘迩经略以病告若果难支岂可反以身累封疆故略之才尤不可不急揀者凡此十事庶几为新政之助惟 皇上俯赐采纳不报御史舒荣都疏奏奋乾纲振积习事言天下不过人与法二者而已法不止于用人而用人之中亦自有法人固可以维法而执法之坚即以得人如昨者辽事初兴起杨镐于田间而以李如柏佐之非为战也本无战情弥缝众议就中之微意既不可以告人各路之宣传似有心有于卖国非独此也郑之范一察处县令耳夤缘入辽闻其以虐佟鹤年故致养牲以情输奴开原为陷逋诛至今刘国缙在西台时不知其功能若何起之赞画糜饷有十有余万一朝脱逃迄无定不乘此时一加大创一洗年来积玩之人心何冀雪耻除凶乎职以为刑赏黜陟可与天下共而必不可使借朝廷威福之权快其喜怒爱憎之私臣子中戇直可恕诖误可原而必不可使贪横险陂之徒得遂其身家妻子之计疏入不报

○兵部请分督陕西四镇防秋覆陕西三边总督李起元疏言陕西四镇边长兵寡狡虏环伺套虏吉能等调兵往西报讎乘隙东犯且挟远年不为例之赏沙计怀捉夷罚服之恨黄妇挟赏宁塞松酋银歹等纠合宣大诸虏谋夺大小松山海虏火落赤打造木皮船筏要藏僧番兵为羽翼宁镇报虏已往西去要犯抢芦塘庄浪新疆一带所有四镇分布防秋事宜各该兵马查照往规布列俱限七月初一日齐赴信地乞

○敕各该督抚衙门严督大小文武将吏如期齐赴原定分布信地加谨设防远差哨役密行侦探虏果入犯本镇则极力堵截相机战守如犯邻封则合兵邀击互相声援务令首尾相应

使虜腹背受敌但不得分外贪功起衅秋防告急查果信地无失应援有功破格优荐题请升赏

○诏如其议

○命左春坊左庶子兼翰林院侍读公鼐掌左春坊印信右春坊右庶子兼翰林院侍读郑以伟掌右春坊印信右春坊右庶子兼翰林院侍读钱象坤掌司经局印信

○升南京国子监司业施凤来翰林院编脩成基命为左春坊左中允兼翰林院编修李光元为右春坊右中允兼翰林院编修

○礼部题朝鲜国王李瑋咨差陪臣参判李春原齐到 大行皇帝万寿圣节方物马匹

○遗诏尚未颁及而该国遣使已到应进收从之

○又题朝鲜国王李瑋咨差陪臣参判金大得赍到 皇太子千秋令节笺文方物马匹今

皇上宝位初登应照万寿圣节礼仪恭进但一时难令更补及查进马匹以丧礼未毕应免行陈设暂准进牧报可

○又题 皇上嗣登宝位华夷共戴朝鲜国素修恭顺之职合宜播闻应照例差赍捧诏敕彩段等件前去开读奉旨允行

○礼部题准户部咨料理海陆二运主事请铸给关防从之 皇城巡视兵科给事中魏应嘉等言禁门严肃乃出入猥杂不异通衢非宸居之体即内市一节前此诸臣抗章请革竟付空言礼仪房长随董国用辄将宫内不堪女子赵永禄女等八口领出北安门著伊亲领去若未明旨輒尔私发私领守卫不敢拦阻万一奸伪滋生何以肃清辇下乞

皇上涣发德音明白谕戒然臣更有请者怨女出宫古今盛德之事自穆庙至 先帝两朝迄今凡五十余年矣其间侍从宫人空闲无职何啻以千百数夫人垂老倍思其乡未衰尽堪生聚 皇上举事发俱合大经大典即此一事不必问无例有例

○慨然拣选独断施行令此老嫗及无职者各依其亲则海宇欢呼仁慈无极臣事效忠伏恳圣明省览不报

○郟阳巡抚陈禹谟奏矿贼聚众流劫议御处之策奉 旨下部

○甲寅 万寿圣节遣阳武侯薛濂武定侯郭应麒怀宁侯孙承荫抚宁侯朱国弼丰城侯李承祚丰润伯曹以忠广宁伯刘嗣爵祭 长陵等陵遣都指挥李承恩祭 恭仁康定景皇帝

○吏部尚书周嘉谟疏言建言诸臣中有事关国本者或叩宸闕或忤时宰或引义而建诤或因人而株连皆成 先帝之令德廑 宗社之远虑也虽皇衷有主未忍言夹日之功而犯颜不避何可没回天之力先帝神明不测用意渊深虽阳弃其身以杜群器之口寔采其言以巩万年之庆今 皇上笃念旧人并其身而显庸之即没而不忘优恤亦诸臣千载一时也今查访列名如王德完孟養浩钟羽正李琯姜应麟丁懋逊邹德泳何士晋孙如法雒于仁罗大紘黄正宾沈璟李献可舒弘绪叶初春吴之佳杨其休钱一本贾名儒王如坚朱维京王学曾薛敷教樊王衡谢廷赞杨天民黎道炤陈尚象涂杰凡三十二人其一时开载未备者再行续请先是科臣周朝瑞疏云尽人而起之犹恐偶遗即日而起之犹为濡滞就使疲癯羸均宜霈之宠异以俟其自陈又或旦暮古今并当议其赠恤以报诸身后岂可令引领赐环隐身绵上赍志长沙也哉至是有旨该部议用

○山东巡抚王在晋奏乞加兵以固海防存海运奴自称兵以来志在取金盖而绝饷道彼见金盖运去之粟积比仓敖因粮于敌以拒内援之兵并扰山东以挠根本之计而贼臣在乌龙江所造之船足供战舰扬帆麇至登州罄军兵之数不能为战为守又盖州节次获奸细皆云要抢盖州烧截运粮船只夫数十万人之命系于金盖敖仓之积而金盖敖仓之积于一线之海道贼睥睨金盖侧目登莱登为东省重地抽兵掳辽精锐尽发兵船运饷则防海何赖金州至登州风帆半日秋冬风色系彼顺此逆之时倏贼兵至而后借援于辽御风飞渡可几及乎江夷惯海冒为效命我中华亡命实繁有徒愿 陛下毋以金盖可忽以登莱稍可缓也抑登莱发运甚艰金盖收粮甚缓今不谋金盖之转饷而第责登莱之发粮是徒望口吻之饮食而不思胸胃之痞塞也万一金盖被兵则此二百六十余船且为寇藉矣 国家欲保全辽必当严督车徒陆运而以海运济之乃为万全之策臣是以因海汎之当加兵并及海运之酌议乞将臣募处饷前疏下部酌议仍

○严敕辽经略抚臣分拨重兵谨防水陆必繇之路预固金盖积贮之区则饷道无虞而辽兵可资防御矣

○御史冯三元陈劝成德政五事一曰永孝思一曰善颐養一曰勤讲学一曰容直言一曰早谕教

○户部尚书李汝华题措饷甚难徵饷多阻臣部两次加派每年共止每亩七厘先因少增兵而从辽抚之议然仅穀辽饷之半耳后

○多增兵而从阅科之议于此求减必辽不用饷而后可又查兵工二部加派二厘是今春九卿科道之议在兵部为安家马价之用在工部为器械之用于此求减必不用安家马价器械而后可乃今各省抚臣有按年徵解者有不按年徵解者又有求减于二厘者目今外解既稀辽饷难援无可奈何反覆思维诸臣既说四十七年难于并徵或将去年已徵已解者准作四十七年之数今年见徵者作四十八年之数既减去四十六年者以宽民则不得拖欠以误国伏乞 敕下容臣移咨四川陕西山东各省直等处将四十七年之数准作四十八年七厘及

兵工二厘以见徵者解之如有延捱迟误藉口拖欠者会同巡饷道臣指名参处 上允行

○起升原任工科都给事中为民孟養浩俱太常寺少卿德完于万历庚子疏请笃厚中宫时外传 中宫有不安之意人皆虑之故德完云然○下诏狱杖为民養浩于万历辛卯疏请建储杖为民至是以 国本事同日起用

○起升原任布政司照磨杨东明为太常寺少卿东明于万历乙未论戎政右都御史沉思孝被谪 起升原降湖广蕲水县县丞胡克俭广西布政司经历何乔远俱光禄寺少卿原任南京浙江道御史为民柳佐为光禄寺寺丞克俭于万历庚寅年按辽论李成梁冒功寻论都御史李世达妄参御史刘思瑜为迎机取媚遂降级调外乔远为礼部仪制司郎中以部疏不列衔署名降调佐论赵志皋后以兵部拾遗事责科道不能论列而谪

○起升原任广西道御史史弼为太仆寺少卿

○起原任南京浙江道御史刘兰为贵州道御史

○起升两浙运判史孟麟为南京礼部祠祭司主事孟麟吏科直道不屈后以太常寺少卿起用极论张差事降五级

○起升任降山西和顺县典史郝名宦为南京刑部山西司主事名宦万历丙申以廷遣科臣封倭给事中叶继美疏具非宜 神宗怒革职并降礼部该司官为首名者名宦时为兵部职方司主事谪典史

○改两广总督右都御史许弘纲为兵部尚书协理京戎政务

○以漕运户部左侍郎王纪为户部尚书总督仓场巡抚陕西兵部右侍郎李起元升右侍郎总督陕西三边军务兼理粮饷巡抚山东副都御史王在晋升工部右侍郎总督河道军务俱兼都察院右佥都御史

○升太常寺少卿熊尚文为都察院右佥都御史巡抚湖广兼提军务

○升山东按察司整饬永平兵备袁应泰为都察院右佥都御史巡抚辽赞理军务先是辽抚周永春以闻丧移驻前屯而荐应泰自代经臣亦疏推之兵科给事中魏应嘉言封疆大事简书可畏永春为大吏而轻离信地万一奴虏窥伺永春之青何辞袁应泰昔为中河为淮徐任怨任劳经臣所称第以大任授大贤而不奉 明旨何以威夷狄乞 皇上速下会推之命使臣等奉明旨而行庶主威不替群臣帖服不报至是以应泰代永春

○以左庶子公鼐为国子监祭酒

○起升原任云南道御史为民李本固为太仆寺少卿湖广副使饶位为尚宝司卿南京兵部职方司郎中刘元珍为光禄寺少卿广东程乡县典史林材为尚宝司司丞本固于万历乙未以兵部推升宋世恩事不行论列谪位御史督学江南执法转外因请告勒致仕元珍乙巳论辅臣沈一贯谪材万历甲午以申救冀体罚俸寻以论刘元震冯梦桢成宪降调

○起升吕图南南京通政司右参议

○升陕西布政司检校郭尚宾为南京兵部武选司主事

○释罪宗充鱼□牙于高墙当

先帝以张差事召对群臣时御史刘光复以声高系狱中尉上疏申救 先帝恶其越关奏扰下高墙禁锢至是五年矣总督漕运王纪以为言特赦出之○工科给事中李若圭陈亲政五事一曰保圣躬言天下劳形摇精之事多在快心适意之时一切声色靡丽少近于前则欲寡而心清神凝而气畅一曰定圣志言人主终身趋向惟在于心 皇上旬月之间念念事事去尧舜不远惟愿永坚此志大为励精勿令奸生于偏听勿令潜行于近习一曰勤视朝 皇上当慕之际即不敢望复一日三朝之< 矢见>而间日临御似不容已一以励明作之志一以振久弛之人心一曰开经筵古人师傅疑丞将以格非而辅德故讲官不可不择乃讲学岂修具文宜先律令律典故俾 皇上昭然于 祖宗法度而徐及经书可也一曰慎枚卜用人 为新政之首枚卜又为用人之首必大加咨访举朝曰可而后列名而请毋徇人情毋徇资格不报

○原任兵部职方司主事为民桑学夔复原职学夔以兵科救总兵马林
神宗怒责该部何不早推总兵司官降级寻以救为民

○起升原任陕西右布政李维桢为南京太常寺卿改尚宝司司丞汪元极为南京国子监司业

○乙卯 上不豫召御医陈銓视脉大学士方从哲疏问安言

皇上至性哀毁又值典礼殷繁 圣体过劳以致虚弱少加调摄自抵万安但十二日为皇上御门视事之初十三日为常朝第一日万国观瞻胥系于此伏愿加意珍摄以承天眷以慰群情奉 旨御门已知常朝候朕调摄稍愈择吉行

○延绥兵逃辽东用兵取盈十八万调发各镇省精锐充之应募率多市人而充伍半为老弱勒而就道纪律素宽骁悍竞起袁大有督延镇兵至昌平托闻讹言一夕解者七百余人将官招之不回部差官仅六十人耳其余所至流劫当事忧其内溃抚捕无策至于捕官李呈芳见杀而叛形成矣乃兵部题领兵官袁大有司兵阶厉叛卒如陶言良子辈首罪宜诛逐路招回拏获如陈顺边明等罪有轻重应听延绥抚臣梟示首恶而仍押招回逃兵解辽东其袁大有提究以肃军政御史郑宗周疏言不问李如柏之失机而问袁大有彭象乾之故纵何以赏一人而千万人劝罚一人而千万人惧哉议者黜之

○升山西右布政闵洪学为福建左布政

○升四川左布政陈大道为顺天府府尹升山西副使柯曰□永为尚宝司卿

○起升原任贵阳知府钱策为光禄寺少卿原任尚宝司司丞张迎为本司少卿

○起原任礼部仪制司主事王宗蓁补本部祠祭司主事宗蓁于万历丙申为册封迟延事同王佐等为民

○起升原任工部都水司主事黄龙光为尚宝司少卿龙光以六科廊失火认罪降外

○锦衣卫掌卫事骆思恭题 祖宗朝设旗尉以供
法驾盖十万人渐减至今止存一万看守服役等用正身不足派及余丁今典礼举行
驾差繁重乞下部查照嘉靖年间事例酌议选补奉 旨该部作速议补

○兵部尚书黄嘉善覆辽东西平两次失事除坐营黑际盛逆战折冲同知马绍芳应变全城
应升应纪录外照得伯要儿修怨纠犯李国梁闻通事之报檄行顾大训堤防矣乃次日虜入
柳河台而无救于地方之卤掠及再至而守备不设如昨也虚张虜势以掩罪标掇零级以侈
功大训应革职国梁应戴罪立功自赎 诏允所议

○命户部尚书李汝华署掌户部仓场印信

○命太常寺少卿姚宗文署掌太常寺印信

○升陕西按察使董光宏为江西右布政四川按察使周著为本省右布政福建按察使洪世
俊为陕西右外照得伯要儿修怨纠犯李国梁闻通事之报檄行顾大训堤防矣乃次日虜入
柳河台而无救于地方之卤掠及再至而守备不设如昨也虚张虜势以掩罪标掇零级以侈
功大训应革职国梁应戴罪立功自赎 诏允所议

○命户部尚书李汝华署掌户部仓场印信

○命太常寺少卿姚宗文署掌太常寺印信

○升陕西按察使董光宏为江西右布政四川按察使周著为本省右布政福建按察使洪世
俊为陕西右

明光宗贞皇帝实录卷之五

丙辰 万寿圣节免朝贺遣阳武侯薛濂武定侯郭应麒怀宁侯孙承荫抚宁侯朱国弼丰城侯李承祚丰润伯曹以忠广宁伯刘嗣爵祭 长陵等陵都指挥使李承恩祭 景皇帝陵内官祭 端肃皇贵妃等陵

○御史郑宗周＜ 铨-金 ＞陈时政一曰充仁义 祖宗金花银两原为济边 陛下仁覆无疆积者尚涣之使出输者宁忍其复入宜省剜心敲髓之艰以壮士饱马腾之气一曰明赏罚人情姑息已久将骄卒惰试问三路败衄谁人借箸谁人传檄进则有死而无功退则有生而无罪封疆孰守乞

下部将金花银两储太仓以备边需应勘诸臣正典刑以震天威＜ 铨-金 ＞入不报

○给事中韩继思奏选贤枚卜二事言劳于求贤乃人主之盛事而慎于选择尤延揽之深心凭虚不如核实百闻不如一见一人有一人之本末一事有一事之功课今起废以次举行矣为公家而建大节与为私见而分异同者品望难昧会推以次得 旨矣守纪纲而率资性与工反覆而趋附和者才具自明大贤大用小贤小用果不肖则亟弃之如此则贤哲不滞下僚不肖不至杂进矣不报

○辽东经略熊廷弼言西宁锦义一带自春徂夏踰时不雨千里赤地河东开铁诸处早为戎马之场独辽阳海盖初春稍沾雨泽不意六七两月旱魃为虐藟谷尽槁分守辽沈大军已踰十万计岁该二百万石方足军马粮料之费当此珠桂之秋辽地召买已属无望或多截漕粮或量增运额每月饷军务放七分本色三分折色宁使食浮于银无令银浮于食至于各营战马现在约七万匹计一年该豆七十五万六千石今山东之六十万石仅豆十八万石天津截漕皆米无豆关西召买若以米七豆三计算豆亦无多已咨饷臣转行各地方多买豆料务足前数乞 敕户部从长酌议章下部覆

○起升原任吏科给事中为民程绍为太常寺少卿绍于万历己亥以矿监参夏县知县韩薰＜ 铨-金 ＞救革职

○蓟镇大同宣府贪懦将官马如绣张可大王承恩革任回卫从巡按御史萧毅中请也

○调南京鸿胪寺卿余启元为鸿胪寺卿先是鸿胪卿有以例贡任者至是吏部尚书周嘉谟言万历初年仍用甲科其别途出身者俸深但升服俸官至少卿而止后失其制改用别途止以礼度之素嫫耳今宜选清望甲科以充之于是改用启元

○升陕西佥事宋槃为本省右参议

○升工部屯田司主事糜有象为通政司左参议

○升刑部山西司主事吴殿邦为通政司右参议

○丁巳 上御文华门视事毕有顷传 谕内阁朕御门见班行后有随从执洒金大扇睥睨门外者回至省愆居听有散班官前诃高声达内庭朕御极之初朝仪岂容褻慢可传示各官务加敬慎阁臣奏向来朝会久疏滋玩至此今各官知圣恩宽大当无敢违禁干罪者矣礼部< 铨-金 >覆得旨朝仪依议严行申饬违者参治

○制谕礼部上大行皇帝尊号朕惟古昔帝王有无疆之大烈者必有不已之令闻勋华以降代著鸿名□汉以还益隆尊号匪独嗣主对越显扬之至意抑亦臣民报功崇德之常经也恭惟我 皇考大行皇帝 孝格神明 仁兼位育始以励精图治迄于久道化成执勉勉之周纲解恢恢之殷网用使吏称民安府修事治恺泽无微而不被威棱靡劲而弗摧膺历数者四十八年永祚胤于百千万纪所谓生民希有天载难名者矣 龙驭上宾攀号莫及呜呼痛哉悯予寡昧嗣纂丕基属访落之在兹岂覲扬之敢后然而冲人永慕难摹日月之高惟尔臣庶追思共识乾坤之大欲传盛美宜协群心尔部其集文武群臣定义尊谥择日恭上册宝以昭我 皇考之休于罔极钦哉故谕

○礼部进大行皇帝遵谥议文仪注前期一日鸿臚寺官于文华门设谥议文案司礼监官同内阁礼部并班首官鸿臚寺官于文华门下丹墀内演礼是日上具缙服御文华门捧谥议官立于阶之东文武百官各具素冠服诣丹墀赞行四拜礼兴礼部官出前跪奏进尊谥议文奏毕复位序班二员引班首官稍进前捧 谥议官以文授班首官班首官受谥议文繇中道进将至 御前序班赞进 尊谥议文上起至谥议文案之北班首官进 谥议文置于案赞跪百官皆跪上览毕召翰林院官趋至前跪 上以谥文授翰林院官命撰谥册文翰林院官受讫捧从中道出上复坐赞俯伏兴班首官与百官俯伏兴班首官复赞行四拜礼毕序班彻案 上还

○先是册立之议阁部及言官以为请已有定期遵 遗诏于释服后举行矣至是复 谕内阁皇长子年尚幼体气清弱明年先开讲册立吉典卿可传示该部待禪服后择吉举行阁臣方从哲随< 铨-金 >言帝王为宗社大计莫不以建储为首务皇上即位之初首命释服后举行册立明诏一宣中外手额兹奉 圣谕不胜惊惶考祖宗朝册立之期 英宗以六岁 孝宗以二岁 武宗则才周岁耳未有年已十六而名位未正谕教未行如今日者向 先帝召谕群臣于慈宁宫元孙时亦在侍已伟然有成人度何至今而犹云体气清弱况禪服之制在 朝廷为二十七日该部所择九月初九之吉释服已半月有余正与前旨今谕相合当允行无疑伏望仍照前旨即 赐批发刻期举行国本幸甚所奉 圣谕谨藏阁中不敢宣示上答谕云皇考妣梓宫在殡不忍遽行册立是以稍缓还著遵前旨行后部臣科臣复力请乃定

○免文华门奉慰礼

○御史史永安奏言路弘开敬陈交济之道其略曰 皇上至仁浩荡大政流通将清宁立见于旬日间第人臣当不讳之朝奋敢言之气曰讽曰直何所不可顾未相机宜妄希披沥设为未必有之事过为不必然之防欲以成 圣明之善反以疏堂陛之交是进言者过也夫人臣当自靖者有二一曰严章奏之体辞尚体要自古重之惟宁简勿烦宁显勿隐指陈一事达其事而止举劾一人肖其人而止无滋射覆无伤雅驯明白正大俾万几之暇一览无余则听者乐听斯章奏之体也一曰矢献替之忱言官因事纳言非欲言而索事今批答及时对杨不易惟是洗涤寸心滋培正气言期于利 社稷不必矜名节言期于明国是不必附清流使 朝廷得受言之利而人臣无进言之名斯献替之忱也至若数年郁结一旦遭逢献可替否正右今日体下心而茹纳之所望于当宋者亦有二 皇上临御时亲召对日举尊严之下稍有逆耳谁不神慑且温旨而询和颜而受乃听言之道宜然是御下之威宜霁也人有瑕瑜言岂无醇驳惟在听其可听以沛江河之决置其不可听以示山泽之虚乃□思之集宜然是兼收之益宜弘也能如是则明良喜起唐虞即在今日矣奉 旨所奏进言纳谏有裨交济之道下所司知之

○工部覆御史田生金停改造段疋＜ 毓-金 >言 皇上弘慈谓南直各府易地皆然三运二运事同一体因有查议之旨然贡夷段疋国家所用二运未定仍应催解其南直隶等处三运一概暂停庶以充上供而苏民困会承运库内监王虎言内府供应之烦需用之急遂有 旨改造三运都陆续角□羊进料价银两亦著户工二部设处羨余照数并角□羊内阁＜ 毓-金 >谓不可使朝端有二三之令致 诏书不信于天下只宜下该部俟其覆奏恭听 圣明裁酌即不能概停亦宜量为加免不报

○延绥巡抚董国光＜ 毓-金 >言延边密迩套虏其地不毛别无畜产军士惟月饷是赖近来私增抚当多扣以供虏靖边道所属十四营堡宴赏大夷总费八千八百余金官给者仅二千二百此外有详允明赔者又有暗增赔者前道臣张舜命欲将暗增者议减明增者准给除拨给保安等三县土兵马价一千九百两有奇外少银二千四百两有奇乞于太仆寺马价给发一半余听本镇设处而部议寺帑匱竭今该道毕自严查抚赏各酋岁额官给银两外又详允增给私赔货银四千二百八十两有奇止裁革暗私赔银二千二百九十六两而诸酋仍前索要各堡照旧给与加增而滥极此诸弁不能坚守原约之罪如路将周弘祚王继委官冯大梁等剥军媚虏相应议惩第抚赏一额领过数年断难停革一旦无论匿报暗增而此八千八百八十余金亦理势所必至不可裁也臣反覆踌躇除前保安三县土兵马价外再撙括凑三分之二地方物力已穷其一分须发罔金补足庶省诸弁之指索可以苏数万之军命亦可以结七部之夷欢奉 旨下部

○礼部题海陆二运辽饷攸关召买盘剥应关防诈伪奉 旨与做防护海运关防

○兵部尚书黄嘉善再＜ 毓-金 >乞休优诏不允

○以鸿胪少卿展自重署本寺印信

○戊午 皇极门兴工遣侍郎王永光行礼○通政司请
钦定御门引奏照例每日二起从之

○司礼监请催督内廷供应钱粮并 上供纸劄有 旨下工部

○革蓟镇大水峪游击李元勋回卫山西巡抚陈所学劾其贪也

○御史王安舜言年来铨路积薪士气郁极 皇上一日下考选两咨且钜僚霞布久废云升
矣第生材不偶尺短寸长如必从形骸分尔我未能启信先以开疑是在主爵者仰体旁求之
盛心使物得展其澍渤之用人得尽其榱桷之长可也年来中使传宣民生局踏 皇上一日
撤税监五人且矿店议罢租庸议蠲矣然穷谷之间有脚难到沿习之久无籍可稽有瑯之处
催榷在中使无瑯之处代徵归有司有货之地编额行于□廛无货之地包赔入于正额是在
主计者仰体一视之深仁毋使奉行不信分析不明囊橐之余驾言抵补可也以今三殿鼎建
特发帑金落成有日矣第工程浩大诂容虚糜作蠹破冒朋奸是在委任诸臣查核不可不严
也以今辽境空虚储饷告匱九边犒赉沿镇赉给矣第恩有所靳而威无可弛诂容气惰心骄
养雍玩寇是在帷幄诸臣赏罚不可不断也至如 临朝大典诚进阁部大臣而问以人才之
臧否治化之淳漓边境之情形岁时之丰歉刑狱之烦疏面责口奏随以其登对立赐施行又
进言路而诱以明白正大之论披肝沥胆之谈霁颜而受包茹为容则耳目无微不彻矣更如
经筵开讲夫岂故事继离大宝延访为先诚意正心之学固 明主所乐闻而天下国家之
务尤救时之急著诚有疑必质有难必辩则法戒备得开陈矣不报

○己未大小九卿上＜ 铨-金 >问安

○钦定册立东宫日期择九月初九日

○钦天监题 大行皇帝神主牌位初三日伐木十二日治木报可

○工部右侍郎王永光题 皇极殿择日开工需用紧急已奉
旨发帑二百万本部移文承运库关领该库回称尚无的旨传示本库乞降
明旨容臣关领奉
旨今发一百万两著承运库领出收贮转放该部仍有一百万两俟陆续凑发

○工部侍郎王永光题川湖贵三省自开采以来费价数百万耽延至一十五年而仅仅湖广
解完二运迨以开工在即臣覆阅在工木科有朽蠹不堪者总计尚少八千余根乞 敕下臣
部咨行三省将未完大木着各该抚按严督尽数起解其有各□领银花费无木可解者监比
追银另行召买四川二运已报在途计今已至荆襄地方应咨行该省及湖广巡抚严督沿途
夫役撙挽有司及督木各官如仍前怠玩致误工作者臣部会同科道官指名参究奉

旨依议行

○御史张至发请议定灭奴赏格以募忠勇简阅援兵特加犒劳以示激励而固结卒伍联属道将尤是经臣第一议奉 旨下部

○调黄华岭参将王杲以原官管协守延绥定边等处地方副总兵事从巡抚董国光议以定边火酋住牧修备防秋急也

○御史张浚言京师奸宄丛集游手成群于是有把棍之说结群棍为群殴而被殴者亦结棍以求胜以把胜把而把遂不可胜穷有白讨债之说诱解官客□于僻处逼立文契公然讨取愚民一入牢笼便难展脱又有拏讹头之说侦知一人作奸则尾随其后陷人于罪从而吓诈金钱兼以兵牌因事勒取火夫需索铺行皆因台臣差委不常班行偶缺或一人而兼几差一日而下几署管城不过三月新命或改别城收拾未成另有新政安能事事有法人人遵守今应将巡城改为中差一年一代庶更替有常不致奸宄之日滋也章下都察院

○升巡抚广西副都御史陈邦瞻为兵部右侍郎兼都察院右佥都御史总督两广军务兼理粮储带管盐法巡抚广东

○升河南巡抚李养正为户部右侍郎兼都察院右佥都御史总督漕运提督军务巡抚凤阳等处地方兼理海防

○升山西左布政赵彦为都察院右副都御史山东巡抚督理营田提督军务山东左布政胡思仲为保定巡抚提督紫荆等关兼理军务太仆寺少卿吕兆熊为陕西巡抚赞理军务徐养量为甘肃巡抚赞理军务杨述中为郧阳巡抚提督军务陕西右布政周懋相为宁夏巡抚赞理军务江西左布政洪佐圣为江西巡抚兼理军务俱都察院右佥都御史

○庚申兰州河清凡三日陕西巡抚李起元奏是日临洮巩昌间八月十五日河清上下几十里至十七日未时止盖自正德二年清而 肃皇应运至是凡一百一十四岁再清朝野共以为启圣之祥焉礼部司务孙学诗奏河清赋 诏付史馆

○给事中杨涟奏申明礼制四事一曰正 朝廷严肃之礼禁卫森严著在令甲年来防卫废弛出入无禁皇城之内摩肩掉臂午门朝见杂遝无章甚之班行中拜起未终喧阗如市岂成法廷当责成该部及巡视皇城锦衣侍卫等官查明宪典严加整饬并改制仪伏服物以焕观瞻复闾朝法以防疏玩一曰通 君臣接见之礼 祖宗遗制自御殿视朝而外有午门朝见之仪凡机宜要务与阁部大臣委曲面□下至庶僚分管答应故人得效忠事皆停妥盖君臣一有隔绝即开蔽蠹若职掌一经宣问即便恪共愿诸臣奏对之时恳恩宣问吏部则问其叙用务为官择人事有不称并坐举主户部则问其考成无以虚文帑藏作何料理至于疆事孔棘更当诘问兵部责其调度方略战守机宜庶情竑知儆职守无旷一曰明人臣进退之礼进退贵于自决黜陟取自 宸断迩来章奏寝阁裁决希闻故有幸免斥幽之典而悻悻言归偶

宽斧钺之条而扬扬故里黑白未分是非莫定自今凡经弹劾者宜一一虚公核奏如属风闻不妨昭雪若罪状可徵当依考功之法分别议处即卿贰大僚边腹督抚当以国家事权为重以臣子体面为轻宜去者去宜处者处无概从格套曲赐勉留一日申章＜ 铨-金 >入告之礼奏对弗可文文则览弗省也弗可冗冗则览弗竟也迩来一概封章掉弄笔舌渺无顾忌射覆藏□捕风捉影语涉含糊人可更换今百官封章尽入 御览当申饬臣僚凡一应入告之文务在情辞晓畅言简意尽定为画一之法庶举措有章劝惩不爽伏惟皇上采择＜ 铨-金 >入不报

○御史刘有源＜ 铨-金 >言京都首善之地迩来习气益浇恶棍结把害人一呼百和假会茶之名积聚银钱或数千或数百若把恶事犯即用此打点官司以必胜制人如林之势方张履霜之渐当戒目今白莲无为等教妖术惑人纠合无赖所在而是万一啸聚萑苻能保此辈不赍资响应恐久则难图银钱日积勾连不已必经追没而后可杜其端近于东城缉获结把追没过银四千三十六两四分于南城缉获结把追没过赃罚银二千七百一十三两三钱一分皆经查算造册封贮各库乞 敕下户部查照支取前银或以备援兵犒赏之用或以给练兵修造之需更乞严督五城兵马指挥职司捍御须以禁治把棍为第一义奉旨下所司

○御史王象恒请裁革安定德胜二门税课司大使永平府卢龙县裁训导一员汰冗员以裕国课也下部覆从之

明光宗贞皇帝实录卷之五

明光宗贞皇帝实录卷之六

庚申命给事中惠世扬御史薛贞巡视 陵工

○锦衣卫题本卫监候犯人奉 遗诏悉送法司查审释放报闻

○户部题新饷一事物力竭天下而安危系辽左非以专官总理之不可若新旧二饷并收一库在今日亦觉未便盖旧库止税饷四百余万今又益以新饷银五百余万一司官目检而手算之既拮据不遑且总入于一库司库者或不免通融支放稍那移于新旧之间嗷嗷者遂借为口实诚另设一库另委一官各营局内司新饷者割新库即计数而解辽左司旧饷者割旧库即计数而角□羊九边法无便于此者查太仓银库有陪库一差盖亦互察豫习之意后以无所事事反类冗员今议即用陪库为新库而改为一年差官有实用费无虚糜其原任本部河南司鹿善继贞心定力绰有担当委以新库雅能办之臣即当遵旨割催本官前来管理辽左饷务从之

○升南京太常寺卿张辅之为南京大理寺卿

○起补洪文衡为大理寺右少卿

○升行人司司副刘时俊为尚宝司司丞

○升河南按察使洪翼圣为山西右布政

○起原任尚宝司卿许维新为南京兵部职方司员外维新有清名先年以臬司被劾径去议降

○起原任广西按察司照磨白瑜为光禄寺少卿瑜先年以给事中论河工当责成总河降三级

○起原任吏部文选司郎中白所知为太常寺少卿所知为吏部守制科臣戴士衡论其匿丧营升削籍

○调陕西参政杨述程补山西井陘道参政

○起原任兵部主事王惟俭为光禄寺少卿

○辛酉礼部恭进 大行皇帝尊谥议曰峻德昭申配乾坤之广大鸿称显锡揭日月之光华惟易名永万世之辞宜尽制隆 一人之孝称天而荐率土斯敷恭惟 大行皇帝秉神圣之资履昌隆之祚体乾行健莹精收明作之功保泰持盈端拱歛太和之福奉天祇若而裁成属

之范围法道自然而张弛于焉合契即基命宥密未易以窥而成功文章可得而仰若乃几神内运智临无方发言盈廷臧否无逃于鉴别明见万里乖和毕照其情形哲莫逾焉宠不迓徇权无旁落独裁之断杜窥阍以靖氛器干纪之诛有重持而无错贷肃莫凛焉藏纳阁深不以樱鳞而动声色践修纯密不以清燕而辍箴图大以成裕敦之至也豊裕自如无宫室游畋之好纲维在握无科条文网之苛敬以居先简之精也宪章则标 高皇之宸藻表 文祖之骏图诵法则繙戴礼于经帙罢贞观之政要以至铭斋颜而省己弘制额以作人经天纬地之文不在兹乎安攘则坚保塞之款封遏屏藩之侵佚勘定则剪鸱张于川播殄殄突于朔方用能威四裔而我武维扬复一隅而厥问不隕保大定功之武不谓是乎缓刑有过圜扉无冤滥之嗟发赈蠲租祿岁拯流亡之厄湛恩所沛浹于寰区即虞舜好生之仁蔑以加矣崇号鼎居极两宫之备奉撤悬婴服展三载之通丧至性所钟终焉孺慕即周文敬止之孝无与埒焉维兹功德之崇隆总属辉光之著见盖惟昭明厥行繄中阐而外扬以故章变有成用安人而立政洵哉优跻圣域而克阐王猷者也臣等历览前徽参稽令典帝尧运乃神之德爰号神宗成王赞惟显之天尤称显行简编具载轨迹可循有如我

大行皇帝运际启承道兼作述粤自冲龄嗣服迄夫大化观成袭德泽于累朝而以久道滋培元气为之愈浹法精明于世庙而以深仁固护洪图用以弥昌詎惟扬烈覲光臻四纪垂裳之治抑且裕昆彰范奠万年磐石之安夫非迈百王而独超称昭代之最盛哉臣等谨协僉同之议式符节惠之称 大行皇帝尊谥宜天锡之曰范天合道哲肃敦简光文章武安仁止孝显皇帝庙号 神宗祇协彝章永光 宗社臣等拜手稽首谨议先是内阁拟谥显宗恭皇帝廷论未愜兵科给事中魏应嘉具< 铨-金 >言夫谥追崇之大典也古东晋恭帝隋末恭帝二号当时光景已不堪言追惟先帝圣谟不可殫述而四十年雷霆在上今古所无神矣烈矣无以复加矣以至圣至神之先帝持众美而效之光昭万世犹恐不至乃草草举事取证谥书令先帝盛美不彰何哉乃再集议于东阁改今谥

○大学士方从哲言 圣体未愈伏望清心寡欲以葆元气又念 皇上安居静摄皇长子出入动定之节早夜调护之方岂能尽烦 圣虑诸臣意欲请 命皇长子移住慈庆宫选择老成谨厚内侍付以阿保之任仍令将每日饮食寝兴奏闻则付托有人既以保安睿体而音问时达又不至过轹宸衷奠国本而慰輿情此诸臣惓惓深念伏惟 圣明留意时各官候于宫门外俄传旨朕以头目眩晕四肢软弱不能动履待宣御医召卿等来见

○给事中王继曾< 铨-金 >言辽阳饥荒可忧内地冒破当议其言冒破者二一曰召募之兵臣过浙中见募兵千人每人安家三两行粮二两安家官克八钱计千兵冒破八百两强者入募弱者候门顶买已更姓名逃归复烦勾摄今召募在辽者可十八万众练之可得精兵八万则今后召募可已也一日海运之舟今辽海运艘底平板薄非乘风破浪之具合募惯造海舟之人厚其直令创为尖底如闽广□船式样乃可无患若如发造淮扬者既耗八万金于无用及至海若不效而遂怯于海运之不可行则海运之舟当酌也辽地亢旱闻山东小米大收每石值银三钱今请那太仓银十万给与山东沿海州郡买小米共凑八万石视豆价高下买豆令足喂马之数余以为海运舵船之费其次莫如招□盖发采招□上纳必有奸□逋负

之毙不如令□自为生计官定其价下令能运米万石入辽者官议重赏其次莫如屯田令宿重兵所在听边军自屯永不征其入有水道可通者外深沟以防虏内引水以灌田庶为两便奉 旨下部

○礼部奏九月初一日进祀册奉 旨着侍郎孙如游捧进

○鸿胪寺奏三六九日 视朝报可

○革通州练兵都督佥事毕应武回卫以巡按御史王象恒劾其庸劣也

○起升原任江西余干县知县姜应麟为太仆寺少卿添注应麟以先封贵妃郑氏争降杂职极边原任贵州贵阳府通判夏爨为南京工部虞衡司主事添注爨以刑部钦依审犯王进病故不早奏降

○升四川右布政使朱燮元为本司左布政使

○调湖广按察使杜诗为山西按察使

○起原任湖广布政使蔡复一为山西右布政使易州兵备

○壬戌御史郑宗周言臣参法从之末伏蒙 宣召阁府部院诸臣入宫外庭喧传圣躬违和不胜惊惧伏祈 皇上抑情养性起居有节必静必清以恬以愉斯可祈天永命以绥如天之福臣又闻医与治通圣人慎疾故实者泻之虚者补之臣虽未谙方脉然此理晓然易明 陛下近日所用何医所饮何药中外皇皇愿珍重保护严择御医制方合剂亦加谨慎勿以圣躬轻试药餌仍
敕谕阁部大臣二员科道官各一员每日恭诣便殿候安尝药臣之事君一如子之事父将圣心日清圣躬日固宗社灵长之运胥在此矣不报时 上勤劳政事批答不暇而哀痛之余未适保摄之节廷臣有言为汤药所误者宗周见其微故＜ 铨-
金＞言之又上书于内阁其时刑部主事孙朝肃徐仪世亦投揭内阁大指言须调护圣躬及早册立东宫事

○先是七月二十二日有进封皇贵妃郑氏为皇后之旨部臣孙如游＜ 铨-
金＞谏不报至是以礼部册立事奉
旨册立东宫择吉朕行稍迟元辅及卿面请即为允行前因母皇贵妃郑进封皇后朕遵 皇考遗言又是朕笃孝之心该部如何抗违执奏着作速具仪来行慎勿复滋渎扰阁臣从哲＜
铨-金＞曰 皇后二字与皇帝并称自非正位中宫母仪天下者必无此号
先朝有繇贵妃进封如 慈圣皇太后诞育
皇躬故母以子贵若但因侍奉勤劳而轻议尊称则事属创闻例无可据臣自奉
旨后踌躇未敢遽发深惧此 旨一出外廷必且群然执争静摄之中益增

圣虑不得已将部< 铨-金 >暂留以冀转圜之听伏望早为停寝所奉明旨尊藏阁中不必传外庶朝廷无踰制之嫌臣下无显诤之迹未报

○谕礼部加恩在京文武群臣军民人等通行各衙门查旧例应赏员役开具人数并行内府衙门查现在银两绢布钞锭数目开奏

○补六月大选先是冢宰之命久不下候选者以为苦至是始补选

○户部尚书李汝华< 铨-金 >言国家惟正之供自合输将度支出入之经何取朽蠹十库钱粮除乙戌廉积等库属工部外如甲丙丁字及承运广惠等库臣部所入也处处贡之岁岁积之其以本色至者既征自本地而以折色至者又办之京□外者入矣而内出之数外不得而知入者中程矣而收藏之故外不得而见其据为窟缘为市漏为卮者何可胜言故建议者谓当 敕巡视官亲核其数宽劳民于外角□羊酌改折以济边此救时之急着也

诏旨之颁实有此款乞即 敕委巡视官赴内库同该库查核某项原额若干自四十八年以前某项已角□羊若干未角□羊若干某项系急用缺乏若干其余某项见在若干某项可作几年支用某项可仍解本色某项可折银解部济边一一具奏使各省直明白照数解纳斯积蠹清而经费省奉 旨工兴需用浩烦又各衙门典礼急需尔部酌量缓急遵诏折徵四十八年以后各省直仍派解本色应用不必差官查看○命给户部专理辽东新饷关防先是该部以辽东新饷烦钜议增山东司官一员专任料理以江西司员外杨嗣昌升补至是请给关防以杜诈伪从之

○兵部劾贪弁冲和所千户李乔芳广州右卫指挥佥事江瑛建昌卫指挥方泰应依律提问从之

○诏成国公朱纯臣西宁侯宋光夏仍革任锦衣卫千户陆逵回卫闲住先年考察光夏以自陈覆罢纯臣以拾遗被纠命久未下至是乞援新恩供职部科参罢之

○宁夏巡抚臧尔劝奏边镇洊饥山东巡抚王在晋< 铨-金 >陈海运地方洊报灾伤俱下部

○顺义王卜石兔下番僧哀乞盖朝儿计喇麻请给 敕命予之

○起升原任陕西副使乔应甲为南京太常寺少卿添注

○起升原任吏部文选司郎中杨材为南京太常寺少卿添注

○升户部主事添注刘道隆为本部广西司员外

○升原任两淮运判王霖为户部山东司主事

○升湖广右参议刘之沂为河南副使

○癸亥赉督饷户部左侍郎李长庚银六十两纁丝二表里令遵
新命供职盖长庚以转左侍郎具< 疏-金 >辞 上嘉其勤劳故有是命

○吏部尚书周嘉谟言都左给事中旧例合用陪推今日数不敷难拘常格都给事中拟用移
补其左给事中照俸挨补本科缺掌科者印信即令左给事中署管 上从之

○范济世升吏科李奇珍升户科俱都给事中杨道寅吏科薛凤翔户科李若圭礼科杨涟兵
科魏应嘉刑科蔡思充工科俱左给事中韦蕃吏科张国祥户科周希令礼科曾汝召兵科暴
谦贞刑科惠世扬工科俱右给事中

○以 登极诏命翰林院编修刘鸿训礼科给事中杨道寅往朝鲜开读
赐朝鲜国王纁丝十表里锦四段王妃纁丝六表里锦二段

○御史冯三元言辽事结局无期其略曰法有积弊不可不除人可应卒不可不备请言甚者
民之剥也货官为甚则事例为之滥觞也军之剥也债帅为甚则职方为之开窞也起家于货
惟贿是求将以债取宁无克剥至若辽东一事天下视以安危今羽檄徵兵飞刍致粟水陆兼
输调募并用悉为辽也乃一岁之中财费几何士马物故几何进守者才一故我之沈阳而屯
堡之侵克不与焉又使期年而守铁岭再期而守开元抚顺清河尚烦布宽奠暖阳更假安排
如此用兵不下数年膏火自煎秋潦易尽此立罄之术也兵贵善用谋耳岂必待十八万数足
而后有为哉经臣别有长虑非职所知据其告病之辞似亦强弩之末伏乞 敕该部急简才
望可任边事者数人分列六部内为赞襄之助外为不测之需一旦有急取资左右不致张皇
失措不然疆场重寄祇此一人非万全虑也不报

○工部署部事左侍郎王永光题 殿门工程奉 旨发帑营建但催料难齐采办跋涉查照
嘉靖间先门后殿旧例可援至其监督官员旧皆升转不常彼此推委相应择官久任庶责成
任事无所规避 上特趣王佐董汉儒作速前来任事
命谕德周炳谟魏广微中允成基命管理诰命

○升原任御史降新兴县典史涂乔迁为光禄寺寺丞乔迁以巡城御史抄没客用事降杂职
极边

○升原任山西道御史为民袁可立为尚宝司司丞可立以兵部推升宋世恩谓言官不能论
列降杂职

○升原任济南府同知王邦才为南京户部浙江司员外郎邦才以税使讦奏逮系久之乃释

○命锦衣卫指挥王应元杨汝敏俱堂上僉书管事李不矜南镇抚司僉书管事梁慈北镇抚

司掌印管事许浩然理刑管事

○甲子 谕礼部尊奉 皇妣李端皇后尊谥

制谕礼部曰朕惟古昔正位中宫述宣阴教生而俚体没则同尊粵有典常未之或改我皇妣孝端皇后

母仪天下四十余年恪践闺□赞成化理子惠万方发祥千亿朕自早岁仰荷

恩勤稟睿训以保明体 宸慈而调护德莫大焉不幸先

龙驭以上升曾尊养之弗逮兴言风木深疚于衷欲展孝思宜遵故典顷奉

皇考虽已定有谥号而备稽 徽美恭荐 鸿称尚有 先朝之成宪在今将届祔葬祔

庙之期尔礼部会官议拟并具合行礼仪来闻钦哉

○又 谕礼部尊奉 生母温肃端静纯懿皇贵妃尊谥 制谕礼部曰朕惟古昔践天位

者必追崇其所生诚繇因心之孝莫解于中亦以不匮之思用锡尔类也朕荷

皇天眷命奉 皇考遗诏嗣承基绪抚此万方溯厥庆源则我 生母温肃端静纯懿皇贵妃

恩实大焉朕昔在春宫既莫亲于温清今居礼幄徒有痛于杯棬欲伸罔极之深悰惟有肇称乎殷礼昔我 皇祖考穆宗皇帝上生母荣淑康妃尊谥曰

孝恪渊纯慈懿恭顺赞天开圣皇太后祔葬 永陵建

奉慈殿于大内岁时享祀兹当如故事仰稽 懿德恭荐

徽称举迁祔之隆仪饬闋宫而孝享尔礼部其会官详议来闻钦哉

○命礼部左侍郎兼翰林院侍读学士何宗彦礼部左侍郎兼翰林院侍读学士刘一燝礼部右侍郎兼翰林院学士韩爌为礼部尚书兼东阁大学士俱入内阁同首辅方从哲办事宗彦便差官行取来京先是阁员缺吏部奉再推七八员之

旨至是尚书周嘉谟会官推举首言旧辅叶向高天笃忠贞 帝资匡弼应候 特旨召用其

廷推者共八人自宗彦一燝爌外则原任礼部右侍郎兼翰林院侍读学士孙慎行詹事府少詹事兼翰林院侍读学士盛以弘吏部尚书周嘉谟都察院左都御史张问达大理寺卿邹元

标一燝爌再< 铨-金 >辞 优诏不允

○大学士方从哲< 铨-金 > 遣诏惓惓以分封为言今 瑞王出府六年

惠桂二王亦已三年合令礼部开坐先拟地方上请 钦定兴建府第就国得

旨朕弟三王封建事不容缓礼部将所拟地方开列来奏俟点定作速分封部拟上

钦点汉中平阳东昌三府而瑞王乞改荆州 桂王乞改衡州 上从之

○贵州巡按沈珣巡行石阡路濊地方遇苗贼于野矢及于舆掠吏役衣装去< 铨-金 >

言路濊为黔楚之交夷盗猖獗守备诸臣宜提兵防护乃清镇守备牛可耕名为护行而不携一卒遇贼鼠伏草中左镇坐营中军署思石守备事周承爵既不出迎亦不发兵防护二将俱

应革任以儆失职奉 旨下部

○巡视库局御史张浚言金□之为京师害久矣而户部为甚盖同一买办而工部则趋之户

部则畏之以工部铺户领银在先办料在后户部责□先办料物入官□本视为可缓可急钻之左右钻之荐绅领银一万□人得六居间得四而其身家若扫矣今

圣政一新闻外 段等铺 先帝未给者且将二十万

圣明尽数给发长安欢声如雷臣仰体 德意敢援工部预支之例为户□请 命或十给其八或三给其二时而给之亦陆续而比之岂有不乐赴者且前奸□拖欠亦非尽□人罪也支給不清猫鼠不无同眠需索不堪有口岂能分诉闻今百务更始而常例之禁请自巡视衙门始留得索取＜ 此夕＞须之余即为铺垫不经之费一丝一忽岂非□膏努力同心祛此积弊庶几根本重地人心安枕 章下户部酌议具奏

○戊字库内监以军器匮乏请得 旨所奏军器等件系卫护神京及各边取讨急需今辽事孔棘库贮空虚何以应急着该库速为颁式移文该省上紧制造坚致锋利者解进不得轻议改折

○左军都督府带俸都督佥事郑养性＜ 铨-金＞请收 皇贵妃成命久之乃允

○巡按浙江御史彭鲲化言段疋急缺改造一事奉有 明旨但浙省财赋空虚自征调烦兴业已藏库搜尽又加以改造段疋数多价倍用至百余万部任二分令本省任一分数至十余金原无分毫额设加派不可那借不能复查三十二年奉派改段共一十八万五千余疋彼时亦因料价难处奉 旨先办一半每年一运十运解完往例昭然伏乞 圣恩破格减免如必欲照数织造恳将本省及江西各项银多留数年仍再分运宽限庶杼轴不空上供不致缺乏有 旨龙袍段疋系上用婚礼赏用急需见今缺乏着工部移文各抚按作速织解其改造并留各项料银遵照前旨行

○直隶巡按御史王象恒＜ 铨-金＞请恤民力以培根本畿辅四方之极臣顷所巡历之地派车派牛运粮运草援兵之过鸡犬靡宁逃兵之回截劫为害什倍他省而近者独顺永得减先派三厘五毫与后加二厘之一其保河两府议徵如故夫山海要地今题过修理银八万三千余两督抚诸臣穷搜极索止得万余两何以给前项之费且募兵安家皆属无处顷者良乡诸处以冲苦告天津等处以灾伤告皆乞免加徵臣目击冲疲事关军国乞 皇上特于顺永保河四府再发二十万两以一半修山海通州城台而募兵安家等项皆为分给以一半减冲疲灾伤之加征而抽扛工食等项皆为幸免庶人心联结而根本永固不报

○乙丑起用原任大学士叶向高于家以南京礼部尚书朱国祚为大学士入阁办事上在东宫御讲筵之日久侍班等官盖三十余员会推阁臣多有未与者 上轸念旧劳传谕再推时见任惟南京礼部尚书朱国祚而原任辅臣加高会推首举佥望攸属 上传谕内阁向高匡时伟器经济宏才今国家多事正赖旧辅协赞与国祚同差官召用因并谕凡属东宫讲读等官效有勤劳应加恩典查例奏请

○兵部奏辽东御史经略各题参花岭山城等处杀虏人畜多寡不同议处游击等官刘世功等轻重亦异难以悬断相应覆请将失事地方行御史会同经略再勘 上从之

○户部督饷主事杨嗣昌疏论饷源言臣前奉 钦依差臣南直等处催饷三事一新饷款目二旧欠京边三内库本折详其完欠名数第其缓急轻重专听抚按自行所属催徵臣幸藉手报命不欲别生一事旁扰一民使知 朝廷之上有此不得已之催科地方之官有此不敢后之功合顾臣徐观淮北之民饥抢纷然至于江南汹汹嗷嗷臣谓今日不独有事辽东师行粮食当思结局抑且顾瞻闾左民穷财尽讲开源物极必反閭阎有敦本尚实之思而不能以匹夫之微丕振风气道穷则变臣部有提纲挈领之务而不能以一切之法遍合时宜是在省直抚按诸臣随地讲求当身干办以足食者足兵裕民者裕国或庶乎其有济也不然奴酋一日未灭新饷一日难停今百姓尚知讨贼尚可催科将来只恐百姓已自作贼谁为我用今日理财二字臣部不能独任海内不宜讳言君臣决当猛转而后民生可厚国耻可除矣下部

○兵部奏罪帅麻承恩刘孔胤郭有光所罚赎家丁马匹应限两月内召纳报完过限不完仍照原犯治罪庶不至幸脱 从之

○遣刑部大理寺官评事魏尚贤等十五员往直隶等处恤刑

○兵部覆陕西三边督臣李起元会奏甄别四十七年分各该将领功罪滕国相加署都督僉事仍管宣大军门标下中军事文应奎量加署都督僉事仍协守宣府地方俞国忠王景和刘镇国俱革任回籍 从之

○升礼部左侍郎孙如游为礼部尚书兼翰林院学士如游先治 大行皇后丧继治大行皇帝丧及 上登极诸典礼积有勤劳故有是命

○革陕西洮岷副总兵高应节镇番参将包天吉波罗堡守备角□羊明选任回卫补镇抚刘保为守备临洮总兵官崔廷秀都督同知以防秋叙功罪也

○辽东巡抚周永春＜ 铨-金 >请旌劝本镇输助官民辽地瘠薄荒者十之六七官兵止将近城堡田地开种离城堡稍远者一望蒿荒其在海盖四卫耕种稍宽然近苦海运养牛之家供役输挽耕耘无暇援兵驻劄地方散在村屯采买不出民间窖藏无余积辽人虽捐助多寡不同总之表其急公之心宜急为表扬以示风劝其输粮二百以上至千石输银一百两至五百两及牛马车辆及草束之价称是者废闲将官量衔进级见任职官应为纪录若输粮五千石银至一千五百两如严正平一人者尤当破格优叙官为建坊以示旌异下部覆 从之

○升刑部侍郎何熊祥为南京都察院右都御史

○升南京操江右副都御史陈道亨为刑部右侍郎

○改南京户部尚书卫一凤为南京兵部尚书参赞机务

○升湖广左布政陈德元为都察院右副都御史巡抚广西

○升光禄寺卿张我续为都察院右副都御史巡抚河南提督军务

○降补原任浙江右参政邹希贤为江西右参议

○调陕西副使张光缙于山东升江西右布政使林欲栋为本司左布政使陕西右布政使高第为山西左布政使

○起升原任吏部文选司郎中张凤翔为南京太常寺少卿原任湖广襄阳府知府冯若愚为南京光禄寺少卿

○升尚宝司司丞姚士慎为光禄寺少卿

○升河南右参政卢维屏为本省按察使

○升四川副使孙学易为陕西左参政

○命光禄寺丞须之彦掌本寺印信

○直隶巡按王象恒＜ 铨-金 >奏旌表节孝深泽县刘氏王氏曹氏安州杨氏邵氏玉田县李氏孟氏王氏清苑县仲氏卢龙县彭氏崔氏雄县何氏密云县刘氏顺义县赵氏张氏遵化县乔氏山西蒲州史氏任丘县吴氏博野县吴氏三河县扬氏天津卫戴氏河间府阎氏通州臧氏滦州闵氏献县林氏吴桥县邵氏梁氏王氏蓟州林氏张氏东安县李氏祁州吴氏肃宁县陈氏香河县戴氏孝子安州生员邵桂奉 旨下部

○礼部右侍郎韩爌奏乞移赠本生祖父母部覆准移赠

明光宗贞皇帝实录卷之六

大明光宗贞皇帝实录卷之七

敕修

○丙寅

召太医院官诊视进方 赐院官银六十两

○谕免永顺宣大山西等处逋税先是首 谕撤回税珰复
谕七月以前拖欠者一概蠲免至是因太监张烨之奏 上复谕曰永平等府并宣大山西顺
天所属州县未完四十八年春夏额税已徵在官者速角□羊其节年拖欠俱豁免之以昭朝
廷宽恤小民至意

○谕免通湾房租太监张烨奏先年势豪遗留店房等事
上曰通湾房租有名无实徒使居民受害耳该部速移文抚按查明豁免

○阅视吏科新升太常寺少卿姚宗文奏自辽阳三路覆师臣奉有阅视之

○命出关查阅过兵马钱粮数目已经奏讫寻以国制见朝其真保定三府未阅今升太常署
印将敬共典礼则使事未完将出效驰驱则 祀典又旷又臣所奉阅
敕系吏科旧衔衙旧官新查核未便恭候 明旨或今臣祇奉

成命则乞委官署印仍改
敕衔以行或将真保定三处听之后遣阅臣则将臣阅过边镇造册奏缴奉
旨真保三处着后遣补阅下该部知之

○少詹事管理练军兼河南道御史徐光启奏臣蒙 先皇帝委任练兵自领 敕受事迄今
半载因材授器凡军火技击以次服习矣第三省民兵太半老弱法应简汰而兵之应募地方
官司许以二年更替又许以每年瞻家银银两今银两未给人无固志应有处分此外则建置
统驭之宜尤宜更定兵家部曲之制设官之道务须相称去岁奉

旨训练之初兵部议防御看城定额六万故统以总兵三员以臣提衡其间后减为二万今又
多出援辽所存七千余人堪留者不过三四千耳以京边营法计之止宜添参守官一二员足
矣何必更用大帅多一辈应用员役多一种廩给耗费乎今总兵毕应武既经台臣论刺去任
此官便可无设即臣衙门似宜议裁遗下通州昌平驻劄三营兵将臣所教练晓暗军火器艺
行阵法制者量留大半用一二将官统领或内属京营令一副将带管而制以总协巡视或外
属近镇令镇兵带管而制以督抚司道似为便益奉 旨兵部议奏

○巡按直隶御史王象恒疏言永平金派角□羊监钱粮如枣儿稻皮榜纸柴夫胖袄等项最

为民病各项本系解部不知何人创始交监岁通计金钱可一二万金大户赔贴几已及半一
金派解即身家莫保若将枣儿榜纸柴夫等银解之该部而转发该监则解户可免横索而胖
袄即兑给本地附近各军又省往来解纳之烦其查有河间府稻皮万历四十五年改解户上
纳之例仍乞解部转发该监下部从之

○试御史巡按福建等处郑宗周等七人各照例准实授

○贵州巡按沈珣言迩来以黔中多故道臣多缺即补者不来来者求去去者不返若威清兵
巡道副使李思恭去春以入贺离任今已年半当照例径行罢斥其缺有铜仁知府陈尧言堪
补前与抚臣会题而部已别推乞即 敕部以尧言补思恭之缺庶为两便奉 旨下部

○镇守云南总兵沅昌祚疏议军务及预处夷贼下兵部

○河南巡抚李养正条议宗藩至切事章下户部

○钦天监择 大行皇帝并 圣母梓宫于九月二十八日发引报可

○礼部尚书兼翰林院学士孙如游疏辞 新命优诏不允

○以庶吉士李孙宸为翰林院编修

○命太仆寺少卿□周祚掌本寺印信

○蜀王奉銓奏进扇柄诏回赐如例

○丁卯大学士方从哲以二十一日在假未获入宫候安疏曰臣询医官知 圣体御膳减少
兼有痰喘必须一意调养除每日发票本章外俱宜暂辍至于进药一节尤宜十分慎重昔人
谓治病者以服药有效为上策以不服药保养为中策盖欲寡心清元气自固用之不当其害
更不可言惟 圣明留意

○谕礼部议加 恭静端懿温惠元妃郭氏及 昭肃恭和章懿才人王氏尊号先是 上
谕内阁曰朕妃郭氏才人王氏俱侍奉年久朕念其勤敏各封为皇后其令礼部具仪以闻部
臣疏谓 皇上嗣登大宝 元妃宜进俚尊之名而 元子正位青宫
才人应酌加封之典得 旨议谥

○山东巡按陈于庭言方今援辽之举最苦累无若海运山东以一省而兼数省之困登莱又
以两郡而兼各郡之艰造船只买米豆集夫役即丰年犹虑莫支今且苦水苦蝗苦雹所在灾
变频仍而文登宣海之间海啸水溢房舍桑田汇为沙碛夫东土有年则海运可行即辽可恃
以为命东土不支则海运何出自非发赈减编何以救此一方也下部知之

○戊辰 上召见勋爵内阁部院大臣及吏科河南道于 乾清宫暖阁御榻前诸臣亲聆天语问安论药以阁臣从哲请 命 皇长子出见诸臣回奏 东宫天姿英伟 社稷之福 上大悦

○祭京都太仓之神遣户部尚书李汝华行礼

○祭恭靖公姚广孝遣本寺堂上官赵一鉴行礼祭丞相文天祥遣顺天府府尹王舜鼎行礼

○祭太傅于谦遣本寺堂上官赵一鉴行礼

○以新设金复道海运督饷金事胡嘉栋改驻镇江金川三面滨海海运必经故添设道臣驻辖外卫金复内护登莱而调辽阳水兵二千七百有奇及浙直兵共万人驻近岛防守经臣熊廷弼议金复道之添设原为防奴贼犯南卫夺我海运今查贼欲犯南卫止有两路陆从暖阳盐场犯岫岩水从镇江鸭绿江泛大洋此其进入要路而镇江外联朝鲜内防宽叆中守凤凰甜水以截奴水路陆路之入他日又可繇宽叆出剿为进取之一奇宜将金复道胡嘉栋改驻于此 诏下部覆从之并改给敕书关防

○台州海门兵噪浙兵年来征调旁午饷糈不继台兵五年之中哗者至再至是以水陆营把总哨官单道亨杨思勋等索取陋规喧腾谤帖而备倭把总陈泰阶听谗淫刑各兵遂噪而起泰阶潜避他所遂入署毁其公座良久乃散御史吴光龙请革泰阶任回卫而提问贪残诸弁及伺衅营兵各正其罪下部覆从

○工部左侍郎王光永请给管理大工敕书

○遣御史薛贞巡视工程

○起原任云南道御史邹德泳为尚宝司少卿添注德泳以论国本救李献可革职寻为民

○起原任太常寺少卿耿庭柏为南京太常寺少卿添注

○升广西左参政何士晋为尚宝司少卿

○升光禄寺寺丞邵辅忠为尚宝司少卿添注

○升太仆寺少卿张卿为光禄寺卿

○己巳 谕刑部速审释放狱囚 恩诏内有放赦矜疑罪犯一款久未审释至是特谕速行之

○工部侍郎王永光请蠲浙福直三省织造羡余其已扣者准作未完段价给织 上曰岁造段疋系赏夷正供应上紧织造解进其羡余银两亦照旧供进以济急需不必再渎已复请将三运段疋一概暂停二运未完僨织解运若羡余原非成例今宜尽豁以复旧章得 旨仍着抚按官将二运上紧织造三运陆续解进料价户工二部从常议处羡余银两照数一并解进

○太常寺少卿姚宗文疏请修 郊祀礼仪言 皇上乘乾初御冬至在即履郊祀帝正在厥初惟是二十年来 先帝深宫静摄 南郊罕御遣官代行习为故事礼乐颓坏坛壝倾圯皆非制作之始大典攸关宜先期整理一整圜丘 上帝所临也一缉斋宫 皇上所居也一饬器皿祭品所需也一修乐具奏享所陈也一新袍服乐舞诸人所服以骏奔者也一洁牺牲养房圣驾亲临先期以省视者也务期坛宇一新品物胥具庶精诚上孚而灵贶无疆矣至北郊 日月 社稷诸坛及 九陵之上皆宜节次按时修举章下工部

○虏犯甘肃官兵拒却之虏囚银定歹青合兵数万从哨马营扑边甘镇副总兵薛永寿凉镇营中军千总马永禄等协同堵截阵斩贼首七十余级乃退

○庚午遣官祭月夕坛是日遣恭顺侯吴汝胤代献时命分献侍郎刘一燝已入阁办事乃更命通政使姚思仁分献而陪祭者寥寥仅六人于是侍班监礼御史张浚等言圣君嗣服之初宜申饬怠玩 上曰郊庙大典以后陪祀官咸宜恪恭陪礼无故不到者其指名参奏

○礼部拟九月初四日上 大行皇帝尊谥册宝报可

○礼部进 孝端皇后尊谥议文曰久道化成光辅宪天之治柔仪顺应咸推配地之尊主阴教以淑家邦嗣徽音以垂宇宙恭惟 孝端皇后幽闲贞静诚一端庄恂泃钟祥绍虞廷而厘降洽阳毓秀媲周室以作嫔惟德之行其仪不忒画修暮诵陈图备观省之资晏退早朝脱珥佐忧勤之治礼先蚕而献茧俭比葛覃祀玄鸟以进环慈同樛木迨深居静摄禁不闻声乃密讽婉规事多得请暨前星之后耀初九潜龙廕覆露以垂恩再三燕翼臣民袭祉华夷蒙庥方万岁以祝椒风胡一朝而歌薤露在先帝情钟伉俪轸琴瑟之中睽肆吾皇爱切瞻依奉杯棬而永慕当此鼎成之变聿隆涣号之班开大隧而珠襦玉匣皆藏崇祔庙而藻冕祔衣并祔礼兼文至荣与哀并臣等俯竭管窥博稽舆论孝端皇后尊谥宜天锡之曰 孝端贞恪庄惠仁明媲圣显天毓皇后拟长秋之令范云汉为章摹象月之余辉星辰动色播芳声于彤管扬节惠于丹旌奉 旨依拟 又拟上圣母温肃端静纯懿皇太后尊谥议文曰祐命自天 九庙诞灵于玄穆含章启圣二美蕴仪于黄中子贵之义宜彰人生之本斯一道咨前哲礼正初基恭惟圣母温肃端静纯懿皇贵妃稟德承乾应符恢世匹

二妃而首贵独当秀异之钟迈九御以荣跻遂寄神明之统书环协吉带鞶迎祥秘殿恩勤育

皇躬而泰豫法庭训肃藻圣德以宏深当夫 龙邸方潜翟瑜惟谨居盈以约愈切括囊无咎之思履顺于明弥增执玉不胜之惧用尧固元良于

宗子终开奠艰钜于 长君福国无量非独端贞内照裕配日之真明抑亦玄朗旁通著随时之大义壺模极备嘉名 宠锡于先皇 胤祚方隆显号崇追于

正位矧兹荣祔曷既永思宜遵

祖宗自仁自义之规用慰圣明如生如存之感臣等祇承孝达还闾

圣慈妇顺以孝为先必冠易名之首 母仪以靖为盛用昭考行之衷既获金同允垂

徽懿 圣母皇贵妃尊谥宜天锡之曰 孝靖温懿敬让贞慈参天胤圣皇太后妥灵

清庙耐宅 玄宫益笃庆于邦家永流光于图史依拟 兵科给事中杨涟疏陈

圣躬违和之繇保摄万安之法先是十二日诸臣见 天颜顿减不似 登极之初至十六日

诸臣到宫问安旋奉有头目眩晕身体软弱不能动履之谕各相惊骇不知其故及十七日诸

臣敬问 圣安因大选问内官以违豫之故因知外廷所传进御不节流言绝谬乃是崔文昇

用药差误所致至是 上召见大臣亲奉 天语两夜未睡米粥日不多食困顿至此于是给

事中杨涟言文昇不知医不宜以宗社托重之身妄为尝试如其知医则有余者泄之不足者

补之其事明白易见以 皇上之日日万几茕茕哀痛精神耗费于法止宜清补文昇何投相

反相代之剂然则外传流言必文昇藉口以盖其误药之奸耳既益 圣躬之疾又损

圣明之名且 皇上初用文昇一剂泄补倒置若此有心之误耶无心之误耶有心则蠶粉不

足赎或其无心一误宁堪再误臣念 皇上睡少食少此岂是大小诸臣安枕之时阁部大臣

各宜寻诸臣中有知医者日于宫门前斋心候问同 钦召御医细细讲求药餌多方斟酌封

付忠顺内官如法煎和以进至如文昇者宜发司礼监究问处分传示中外始知

圣躬不全是药餌之误以解道路纷纷之口并祈皇上召 皇长子同众王子承

颜导喜于前以发天性之真和或又择一二通书史大义内臣时在左右诵说古

圣帝明王通快可喜之事以清 宸听

以醒脾神如此自获勿药之庆矣又臣接都督僉事郑养性一本为恳乞 天恩收回封后

成命此一事也 祖宗典制难干

圣明当已有裁决第无上尊称告播中外必有其名今所称封者尊之以嫡母乎则于

大行皇后有碍尊之为生母乎则于本生 皇太后有碍或以往日之恩当酬耶今日之情难

已耶当年主鬯未定实不闻调护之深心而此时

长君践阼尽无取于沾沾承奉之虚文矣总之 皇后非可以轻乞恩之名

天子无可以轻自卑之理宫嫔无可以妄自尊之事贵妃试思

圣母仁慈配天育圣辛苦劳劬垂四十春秋我 皇上孝思无极止能崇上此皇后二字之追

尊如贵妃当年今日旧眷新恩已是隆厚无涯奈何又多生此必不可萌之妄念故养性前日

之请收 成命正所以善安其姑在

皇贵妃今后养老别宫省心回念凡见朝必须启请侍御无相搀越更所以善保全

先帝之明德于有终与殊恩于无已也有 旨所奏朕母 皇贵妃郑进封皇后朕遵 皇

考遗嘱昨览都督僉事郑养性所奏收回封后成命以全体制特允所奏已辍旨不行外庭不

得再行渎扰其御药房提督崔文昇已有旨 皇长子择用端人朕已知之

○刑科给事中魏应嘉疏刑赏治天下之大法而尤重于用兵乃罪弁李如柏李如桢丧师失地诡办幸脱此而不诛是谓无法乞立行逮系与杨

敕下法司鞫问明正典刑不然大吏骄蹇文武全躯兵< 拏 嵩 > 饷匱内患将至不报

○浙江道御史左光斗请赈辽东饥寒言今日辽东之患不在无银而在无用银之处何也辽自用兵以来米粟踊贵加以荒旱之余石米四两石粟二两其一石尚不及山东之四斗通计一百万之费分十五万之军每名约得六两于银不为不多而此六两余米才一石五斗耳纵是富人未免抱金饿死为今之计急截漕粮二十万石乘汛之便运至彼处令河西与河东一体分派本色各三斗仍量加其折色俟来春耕作有获再行区处此今日救荒第一急着也顷岁征调各兵皆以春夏起程夏秋过节匪惟无坚甲乃更无寸缕久戍客兵凉秋九月转盼隆冬饿死之余又将冻死臣愿陛下惻然轸念发帑二十万敕下户部令廉干司官作速置买花布星夜解赴辽东每军给布二疋花二斤一如岁底之给散京军者其赶骡赶车剥皮剥骨之役亦量加赈恤庶挟纊之惠适当授衣之期此又救寒第二之急着也 报

○阅视边务升太常寺少卿姚宗文顷兵部覆奴贼扑攻山城事以监军陈王庭与经略熊廷弼所报杀虏多寡互异请行再勘非法也据报贼以二千骑踵克山城城堡相望二十里许杀戮无噍类诸弁罪不容诛矣监军拟罪重者戴罪轻者罚治尚未尽厥辜何至以多少异同复行再勘说者谓六月十二日之失事也村屯一空焚杀甚惨主兵者不胜后虑借驳山城之案以成此番叙功之举则慷慨任事者岂宜出此臣往日出关阅其兵马不训练将领不部署人心不附戢至工作之无时而已刑威之有时而穷废群策之不足以图大功恃独贤之不足以成事故阅视之役不行荐举诚不敢上欺君父也如经臣能憬然悟翻然改图则桑榆可收奚必纷纷于此如不争胜败而争损失之多寡恐开将领隐匿之门而重辽阳以日割月削之祸也下该部再议宗文奉

○命阅视多草率了事廷弼言其惟赋诗饮酒遂彼此不协议者两病之

○谕礼部选侍李氏侍朕谨慎勤劳 皇长子 生母薨逝后奉

先帝旨委托抚育慈爱视如亲子厥功懋焉着封为皇贵妃尔部速具仪闻

○荫原任兵部侍郎刘畿孙刘锡潢送监读书

○礼部请相度 恭静端懿温惠郭元妃坟园并仪 恭和章懿才人王氏祔葬事宜有旨王才人祔葬从容详议具奏已工部侍郎王永光< 毓-金 > 言

昭肃恭和章懿才人王氏安厝事宜奉先帝祔葬 郭妃坟园之

旨今臣等会同内外诸臣相度 元妃坟园规模颇隘又钦天监称阴阳忌讳宜听礼臣请旨改卜吉壤非敢轻议 上曰王才人已有旨从容再议

○惜薪司题柴炭缺乏奉旨下工部着作速补派

○諭禮部選侍傅氏侍朕勤敏效勞有年曾誕育皇第六女皇七女着封妃其擬號以聞

○榮王助餉一千兩奉 旨覽王奏捐資助餉足見體國之誠忠義可尚銀着該部查收

○蒞故都御史宋仕男宋開春入監讀書

○以四川巡撫都察院副都御史饒景暉考滿蒞子饒元霖送監讀書

○辛未 上疾彌留 召大學士方從哲劉一燝韓爌及英國公張惟賢尚書周嘉謨李汝華孫如游黃嘉善黃克纘左都御史張問達給事中范濟世楊漣御史顧慥于 乾清宮上御東暖閣倚榻凭几 今上侍立諸臣問 安畢 上命諸臣前降色連 諭云朕見卿等甚喜又云朕在東宮感寒症調理未痊值皇考妣相繼大喪典禮殷繁悲傷勞苦朕不進藥已兩旬余卿等大臣勿听小臣言今上承旨再申前諭 上又諭冊封 皇貴妃禮臣言 二后封諡 東宮冊立諸典禮當次第行諸臣叩頭退先是給事中楊漣疏陳保攝參論內監崔文昇醫藥之誤故召見部院吏科河南道外特及漣因論及此云

○刑部審赦矜疑囚梁國臣等七十五人得 旨矜疑者充軍應照原議及應議減者俱依擬

○又奏放赦輕罪并監禁日久等犯凡五百四十一人

○直隸巡按蕭毅中劾罷大同新任副總兵管分守中軍參將事楊鎮以右衛夏秋分防事重卜素諸郡且擁帳臨邊鎮病不堪任也部覆從之

○御史王安舜疏陳養身六要一曰養心 皇上萬御當前何欲不遂第恐欲動情勝而元精或逗惟愿頤養此心締觀欲萌从何恣肆而当念消磨則情窶不开心神自清矣一曰養氣

皇上清明在躬何神不鬯但恐片念紛扰而元氣索惟愿靜觀胎息之微即生身立命之本而弗雕斲以傷其根則氣一所動祥和可召也一曰守中

皇上體中履正何念或倚但恐太過不及之間旁逸者多伏愿默守此中不令外馳則喜怒哀樂即為中和位育之應矣一曰慎獨

皇上凝神滌慮何時不慎但恐居燕閑之頃而嫖褻生伏愿獨知之地研審其几則戒惧慎獨即心广體胖之理矣一曰主敬皇上執玉在躬何慮不敬然稍或屑越人且窺其微伏愿以敬作所則怠豫無自而起此恭己之心法也一曰主靜

皇上齋居靜攝何慮過動然稍示意向人且乘其几伏愿毋搖其精則烦躁無自而生此大虛之心體也伏愿留神省覽不報

○户部议截漕覆督饷御史万崇德＜ 铨-金 ＞辽东一岁大约用本色米豆二百余万合截漕召买淮安天津山东真保永冀等处已分任其十之七八据新饷司呈称派买于辽者仅六十万石而不为旱魃为虐饥馑洊至据饷臣咨应照将原派之数酌议截漕及关内召买二项以为补足其原派辽米二十五万石今除天津截漕二十万五千石为明春运计外再截漕二十万其原派辽豆三十五万石今改于真保各处派豆二十五万石外再增买豆二十五万今以米言之截漕二十万而原派数所少者亦仅五万石今合以所少米之五万听饷臣临时以上纳事例召买内再为酌处乞

敕内外任事诸臣虚衷共济无为争执推诿以救辽左目前之厄奉
旨截漕及召买米豆俱依议内外诸臣俱要同心共济无得争执推诿致误军机

大明光宗贞皇帝实录卷之七

大明光宗贞皇帝实录卷之八

壬申礼部议上

大行皇帝尊谥册宝礼仪一万历四十八年九月初十日辰时恭上
尊谥一前期三日太常寺官奏致斋仍遣官致祭

天地 宗庙 社稷至日行祭告礼用祝文香帛果酒脯醢如常仪一前期一日司礼监设
册案 宝案于 大行皇帝几筵前左右仍置 册舆 宝舆 香亭于文华门捧
册宝各置舆中一是日 上缋服祭告 大行皇帝几筵前陈设祭品如常仪祭毕
上御文华殿百官暂免朝参司礼监官举

册宝舆外导驾官导

上随舆后降阶升辂外导驾官退百官素冠服腰经先于金水桥南背北面立俟
册宝舆将至百官跪 册宝舆过毕兴皆随至思善门外北向立内导引官导 上至
乾清门外降辂 册宝繇中门进至 几筵殿前丹陛上导引官导

上繇左门入进丹墀内赞官唱执事官各司其事导引官导

上至丹陛上拜位捧册宝官于册宝舆内捧

册宝繇殿中门入至几筵殿前左右北向立内赞奏四拜礼 瑞王 惠王 桂王
皇五弟陪拜司礼监官传示在外鸿臚寺官赞百官皆四拜导引官导

上繇殿左门入行至 几筵前奏跪内赞奏进 册捧 册官奉 册跪进于 上右

上受 册献毕以册授捧册官置于册案奏进 宝捧宝官以 宝跪进于 上左

上授 宝献毕以宝授捧 宝官置于宝案奏宣 册宣 册官诣案取 册跪于

上右宣讫仍置于案奏宣 宝宣 宝官诣案取 宝跪于

上左宣讫仍置于案奏俯伏兴平身传赞百官同奏复位导引官导

上繇左门出至拜位奏四拜传赞官百官同导引官导 上至 几筵前奏初献礼奏跪传赞
百官皆跪奏献帛奏献酒赞读毕奏亚献礼奏献酒奏终献礼奏献酒奏俯伏兴平身传赞百
官俯伏兴平身奏复位导引官导

上繇殿左门出至拜位奏四拜传赞百官同祭毕导引官导 上繇殿左门入至

几筵前司礼监官捧 册宝奉安讫

上行叩头礼内赞奏礼毕传赞礼毕百官退十一日颁 尊谥诏先期鸿臚寺设 诏案于
文华殿门内东锦衣卫设伞盖于

文华殿前至日早百官各具素服乌纱帽黑角带于承天门外伺候 上御文华殿后具黑翼
善冠白素袍黑犀带执事官先行五拜三叩头礼鸿臚寺官奏请升后殿导驾官导

上御文华殿鸣鞭讫序班官举 诏案于殿中翰林院官捧 诏立于左鸣赞唱

颁诏翰林院官以 诏授礼部官授 诏置于案序班举案繇殿左门出锦衣卫用伞盖迎至

承天门上百官入班鸣赞唱四拜称有制唱跪开读讫再行四拜礼鸿臚寺传奏礼毕百官退

诏书迎至礼部授使者颁行天下

○命大学士刘一燝韩爌同知 经筵日讲 制诰 玉牒

○升少詹事李腾芳为礼部右侍郎兼翰林院学士掌院士左庶子郑以伟升少詹事兼翰林院侍读学士协理府事教习庶吉士

○以詹事府少詹事孟时芳同原任礼部侍郎顾秉谦纂修玉牒

○以右庶子钱象坤为詹事府少詹事兼翰林院侍读学士

○兵部覆西阳土司冉跃龙向以援辽调兵四千令之亲统赴援加指挥僉事新衔而中途托疾其子领兵出关逃亡几及四百故巡抚饶景晖题参示罚宜追夺新衔勒限补足原调兵数以伸法纪从之

○御史左光斗请纪录屯田劝课等官令甲屯田御史辖北直隶及河南山东地方徵子粒济边而山东一省所开多额粮田土故有留以补额粮之议时以开垦数多当行激劝故光斗会同抚按举按察使景昉等州县官项良梓等总兵指挥官姜弼等巡行劝课有劳应咨送吏兵二部纪录其徵银事宜悉照原题拟行下部

○都给事中范济世御史顾慥疏请矜宥言官以广延纳救周朝瑞也不报

○革陕西西安府永丰仓副使二员从巡抚李启元奏裁冗员也

○升湖广右布政使庄懋华为左布政

○以原任陕西按察使张以谦降补湖广布政使司右参政

○升四川按察使周著为本省右布政使

○陕西右参政洪世俊为福建按察使

○升太常寺少卿王德完为都察院左僉都御史

○命太常寺少卿官应震掌四夷馆印信给事中薛凤翔掌户科暴谦贞掌礼科惠世扬掌工科印信

○巡抚山东都御史王在晋疏陈贮蓄及久湮水利在晋以时弊多端蓄贮不广及水利久塞应通行清理故而疏议之

○巡抚陕西李起文题流贼渠首设法擒执众恨已雪事下兵部

○巡按直隶监察御史屯田御史萧毅中疏请开荒地以佐屯政下户部

○癸酉祭

○历代帝王遣保定侯梁世勋阳武侯薛濂东宁伯焦梦熊兵部尚书黄嘉善工部侍郎王永光各行礼

○谕九月初九日册立 东宫

○以 登极翼赞恩加大学士方从哲少保改户部尚书进兼武英殿赐银一百两坐蟒一袭

○初 上以东宫侍班讲读效有勤劳下加恩示酬之

旨至是阁臣从哲等查各官履历开列进 览

上曰各官见任在籍者优擢起用其故者优恤录荫以示朕念讲幄旧臣之意盖 东宫侍从讲读等官弘治十年叙劳事例载东宫会典年劳已及三年者荫一子中书舍人习字出身未及三年者荫一子入监读书而

○累朝御极之初侍班各官见任者升擢其召用优恤皆出 特恩原无定例 上于旧臣笃念不忘故随其供事久近效劳浅深皆得分别叙录中有未曾效劳一日者亦概及焉内阁查题侍班官范谦李廷机曾朝节叶向高范醇敬周应宾唐文献刘一燝韩爌讲读官唐文献焦竑邹德溥郭正域全天叙萧云举方从哲袁宗道吴道南刘曰宁冯有经董其昌黄辉杨道宾黄汝良庄天合王图赵师圣张邦纪公鼐龚三益薛三省杨守勤侍书官范可_下 受茅闻诗罗万英郑崇光奉 旨下部

○定陵开隧道遣侍郎王永光行礼

○礼部覆覃恩之典一应外官内转尚未到任京官外转尚未离任与行人司务国子监八品等官俱照新任职衔给与诰命至有转自南曹而适以九年考满入都者并赐 俞允从之

○直隶提学御史虚谦言今日士习横肆繇教官之训不严有司之体不振教官腴削脩脯厌饱溪壑者提学当亟行斥逐至有司职任提调不宜以保留保升刻录立碑借资褻体近辽餉事例至廩生纳级俊秀纳附俱应停止户部奏援辽事例内纳级级贡纳附欲行者暂议救时之权欲止者特严持世之经参酌众论以政体论辽事虽急自应别计三款所宜急罢至明经纳京官之说总属贿进亦宜并停从之

○礼部题奉 圣谕选侍李氏进封皇贵妃业行钦天监选日昨又面承天语自当仰体速行但前 谕上 孝端显皇后 孝靖皇太后尊谥加封恭靖郭元妃 昭肃王才人为皇后皆未经告竣以先后次序酌之宜俟四大礼行后方可议及而给事中李若圭亦以缓封请不报时钦天监已择九月初六日矣

○吏科给事中范济世上劾贪< 銑-金 >言近法度废坠其病根在藉口怜才使吞舟漏网如郑之范以贪令及于宽政迨守开原复卖放军士致陷重城贪人见利不惜人命不惜国家臣读律至官吏受财枉法赃至八十贯遣戍故勘平人致死者斩今之求多者太约乡科岁贡耳一犯甲科二字监司已预为之地即赃私狼狽仅仅于降调彼何憚而不恣肆臣请自今已有御史参人赃至五百两者或打死人至五命者本下科臣抄参吏部行巡按御史提问

○巡按直隶御史倪应眷疏言国家边储取资盐筴而长芦实居其一通湾又芦盐贸易之一都会也 皇上诏罢通湾等税芦商若出汤火乃有左军都督府成国公朱纯臣戚畹指挥使钱赈民者张挂告示复立店税每引进店出店巧立抽银名色各差官索取较之更苦夫通湾上下各有隙地隶于广和店为监税隶于勋戚为店租名虽异而病商则一今罢两税监增两税官每引一钱八分有奇万引一千八百有奇括取莫算腴削何堪钻投税棍除臣一面缉拏外乞将通湾隙地给商堆盐永不起租仍 敕下该部著为令未报

○右谕德张鼐疏请调民力以裨边计言自辽左用兵竭天下而供一方兵无了局民无息期以臣使事目击畿南八府徵调络绎饮食若流百屋昼惊驿夫夜窜则有援兵之苦兵符火速派户金丁募卒在逃里牌连坐则一募兵之苦荷戈忍饥忍饥亡命山谷彷徨无归弯弓啸聚则有逃兵之苦徵牛徵车角□羊夫角□羊匠惨同谪戍痛切剥肤则有奔命之苦而又出山海关外其萧条风景便同鬼方塞草连天膏腴芜秽北山南海一望丘墟民安有田土官牌夜呼使事如织防护迎送酒浆供传民安有暇日鞭驴驾牛循环往来间关刍挽顷刻靡停民安有剩力强军设防弱军赶运大户供办小户贴钱民安有藏蓄城堡鸡犬无声亭障村烟断绝彼河西救其死不暇而安能济河东臣以为畿南河西之民不可不赈恤也赈恤之法莫大于垦荒田而广开种 皇上诚捐数十万金以赈畿南八郡河西一带而劝之耕彼小民牛种有本雇募有人东作有时各肆力南亩不半年而禾黍成熟人人饱暖此亦辽东持久用兵之长计也臣考古今屯田事亦备矣夫募兵屯田塞下晁错第一策也游食之人募而战则散募而耕则聚矣列队而界以深沟使耕者有所恃而守者亦借以宿饱此充国所以制金城也建置田官而专责其事如魏用枣祗为都尉故事则官有专司而事易成又一法也择将而屯如宋纳所言选诸将中智勇略数人分屯所领卫兵耕作而兼训练是又一法也拣兵而屯如叶盛所言谪卒戍不任战事者俾事耕稼蠲除子粒而屯如胡世宁所奏凡抛荒空地不拘军民土客尽力开垦永不起科是又一法也免罪而屯如韩仲华出赃罪吏九百九十人给耜牛耕而岁收粟以省度支钱又一法也赐官级而屯如秦人以力耕受爵汉人以力田赐帛但能多垦田几百亩者即授之以官而赏赉之又一法也臣观左之费用如大海中外之运输如逝洩亦安有了期而得不为中国根本计哉若失经臣熊廷弼分兵屯练选将用人和睦行阵爱惜军士扼吭捣虚出奇制敌亦望 皇上并于 玺书内责成之如汉宣帝劳问赵充国曰即如将军计虏当何时伏诛兵当何时得决此激励边臣之功令疏上下所司详议具奏 巡视仓场御史张新诏疏参户部监督仓政主事涂乔芳言乔芳受事以来出入不时狐鼠借丛班皂歇家车脚夫役无一不作圈套臣入仓查验见各解户皆奔诉环泣为之痛心乞

○敕部查访将涂乔芳量行处分庶仓蠹一扫解役更生章下户部

○户部尚书李汝华疏请专设援辽事例覆河南巡抚李养正之议也从之

○巡抚云南沈儆烱题滇省介在西南而丽江又在滇西北境接番达频年为患该府土官木增父子奋勇斩获黄毛达子五十二颗收降男子一千有奇并收卜花村鲁台寨安插降民认纳每年犒银八十一两零黑大麦二千二百梆具题入额请于知府上量加三品服色以旌其劳部覆从之

○吏部听选监生王应遴疏请修大统历先是钦天监所报日月交食时刻分数多舛 先帝谕礼臣酌议修改至是应遴上言历理当明二十事修历之法当饬四事章下礼部知之○飓风坏海运先是七月初海运船开洋至马头嘴夜闻海鸣龙斗黑云纠连运艘射激伤登属运船八十五只菜属船一十六只漂没粮四万四千九百石有奇于是巡按御史陈王庭请

○敕该部将山东明岁应运粮数从长酌处勘覆并查清漂失粮数米船从常及议恤溺死人数

○土星犯井宿东扇北第二星约相离二十分余土星在下

○起升原任提学副使吕邦耀为通政司右参议添注原任户科给事中为民丁懋逊为太仆寺少卿添注以国本事救李献可降级寻为民

○升南京光禄寺少卿添注赵拱极为南京太仆寺少卿添注

○以福建中路游击将军张邦彜为四川松潘东路游击将军

○甲戌 上再召见辅臣方从哲等十三员于 乾清宫诸臣问安毕 上仍谕册立皇贵妃从哲等对以册储原卜期宜移近蚤竣吉典以慰 圣怀 上因顾今上谕曰卿等辅佐为尧舜又语及 寿宫辅臣以 皇考山陵工有次第对则自指云是朕寿宫诸臣言 圣寿无疆何遽及此 上仍谕要紧者再因问有鸿胪寺官进药何在辅臣奏鸿胪寺寺丞李可灼自云仙丹臣等未敢轻信 上即命中使传宣诸臣退出可灼至同进诊视具言病源及治法甚合 上喜命进药诸臣复出令李可灼与御医各官商确未决辅臣一爆言其乡两人同用此凡一损一益非万全药礼臣如游言此大有关系未可轻易乳妪至 上趣和药诸臣复入可灼调药进 上饮汤辄喘逆药进乃受喜称忠臣者再诸臣出宫门外俟少顷中使传圣体用药后暖润舒畅思进饮膳诸臣欢跃而退可灼及御医各官留时日已午比申末可灼出辅臣邀询之可灼言 上恐药力歇欲再进一丸诸医言不宜骤传趣益急因再进乞辅臣亟问药后何状云 圣躬传安如前先是可灼来阁门言有仙丹欲具本进辅臣出所具问安揭中有进药宜慎及不效伤害等语遂谕之去是日早辅臣恭视写篆 大行皇帝册宝两内监在云有鸿胪官李某在思善门具本进药辅臣应以难信俄蒙召见盖灼时从诸医往来思善门中使遍闻以达于

上其传奏姓名莫可得而问是日仍以问安 赐诸臣银币烧割可灼与焉次日五鼓内宣召急诸臣趣进而 龙驭以卯刻上宾矣盖九月一日也 越三日戊寅颁遗诏曰朕以眇躬嗣登大宝夙夜祇惧罔敢宁居于凡用行政遵奉 皇考遗命力疾举行哀劳交瘁奄至弥留定数莫移考终何憾但念朕绍承洪绪莼疾方新志业未就所期缵述端属后贤 皇长子茂质英姿克荷神器宜早嗣皇帝位其守 祖宗彝宪亲贤勤学立政安民朝讲一遵典制冠婚择吉早行出入起居倍宜兢慎左右侍御务近端良内外文武百官执事之臣同心协赞永保基图朕从 皇考在天之灵陟降鉴观于志毕矣丧礼依旧制以日易月二十七日释服毋禁民间音乐嫁娶宗室亲郡王藩屏重寄不可辄离封城督抚镇守都布按三司官员地方攸系不许擅离职役闻丧之日止于本处哭临三日进香遣官代行卫所府州县土官俱免进香诏谕中外咸使闻知

○上在位一月寿三十九年十月上

尊号曰崇天契道英睿恭纯宪文景武渊仁懿孝贞皇帝庙号 光宗天启元年九月初四日葬庆陵史臣曰自古帝皇仁心仁闻洽于天下未有不须久道而后成者必世后仁圣人言之矣乃 光宗贞皇帝在位仅三旬升遐之日深山穷谷莫不奔走悲号何圣化之神感孚若是速也盖 帝睿质夙成蚤亲师传养德青宫已洞悉四海之难艰故当 神皇晏驾时 遗诏未颁德音据播 大宝初嗣仁政沛施捐朽蠹而九塞饱腾撤狐蠹而麀劝动政地广股肱之助谏垣充耳目之司黄发并升于公庭白驹不滞于空谷至于虚怀延接一月而三 召臣工锐意图几浹旬而两蠲而税额德意独行独断燮理莫施其功威权自揽自综执□月御不参其柄铄乎盛矣旷千古而仅见者也乃其尤难者以何思何虑之天处若危若疑之地 冲龄出讲已历艰辛而容色温然动止泰然内庭有苑枯之形若勿知也者外庭有羽翼之激若勿闻也者即册立寻常事耳时而举棋时而反汗大臣去小臣谴宜何如动于耳目者而帝也有夔夔无栗栗潜之又潜巧伺者不能窥善孽者不能中福藩就国恸哭抱持张差发难

帝侍 神皇左右亲传睿旨晓谕百官群器遂息所全实多 登极后即遵 遗命进封皇贵妃廷臣力争竟不忍夺以戚畹哀请而后止毫不芥蒂于前事也此即虞舜大孝何以加兹以舜之孝扩尧之仁然则 帝之所以感动人心又自有在而非仅仅更张注措之迹者矣夫官天下者寿在令名家天下者寿在长世 神皇即不豫何难四十日留也使帝之出震未及而干蛊莫施天下之事将不可知然则我 国家亿万年无疆之祚皆帝四十日之所延也 帝之功德又岂但在普天之思慕已哉 天眷 宗社不虐也